

四庫全書

子部

# 欽定四庫全書

子部

御定淵鑑類函卷

九十九  
九十一

詳校官宗府府丞<sub>臣</sub>寶光

主事<sub>臣</sub>祁韻士覆勘

總校官檢討<sub>臣</sub>何思鈞

校對官中書<sub>臣</sub>胡紹基

謄錄監生<sub>臣</sub>金拱閭

欽定四庫全書

御定淵鑑類函卷九十

設官部三十

諸卿總裁 少卿 附 太常卿 少卿 太常丞 太常官屬

諸卿總裁一

原杜氏通典曰夏制九卿

記曰夏后氏官百天子有三公九卿也亦有六卿殷周皆

殷亦九卿

伊尹曰三公調陰陽九卿通寒暑

周之九卿即少師少傅

少保冢宰司徒宗伯司馬司寇司空

三代諸卿雖名號不同然其官職相

沿與周不異

漢以太常光祿勳衛尉太僕廷尉大鴻臚宗正

大司農少府謂之九寺大卿後漢九卿而分屬三司

太常

光祿勳衛尉三卿並太尉所部太僕廷尉大鴻臚三卿並司徒所部宗正大司農少府三卿並司空所部多

進為三公各有署曹掾史隨事為員九卿有疾使者臨

問加賜錢布

尚書令陳忠常欲褒崇大臣故奏建此禮

魏九卿與漢同

九卿名數

與漢同

晉以太常等九卿

即漢九卿

兼將作大匠太后三卿大

長秋皆為列卿各置丞功曹主簿五官等員太康四年

增九卿禮秩

元帝以賀循為太常而散騎常侍如故循以九卿舊不加官唯拜太常而已

宋

齊及梁初皆因舊制

宋卿尹皆銀章青綬進賢兩梁冠佩水蒼玉衛尉則武冠晉服制以

九卿皆文冠乃進賢兩梁冠非舊也

梁武帝天監七年以太常卿加置宗

正卿以大司農為司農卿三卿是為春卿加置太府卿

以少府為少府卿加置太僕卿三卿是為夏卿以衛尉

為衛尉卿廷尉為廷尉卿將作大匠為大匠卿三卿是

為秋卿以光祿勳為光祿卿大鴻臚為鴻臚卿都水使

者為大舟卿三卿是為冬卿凡十二卿皆置丞及功曹

主簿後魏又以太常光祿勳衛尉謂之三卿太僕廷尉

大鴻臚宗正大司農少府為六卿各有少卿

太和十五年  
年初置少

卿官掌  
同太卿

北齊以太常光祿衛尉宗正太僕大理鴻臚司

農太府是為九寺

晉荀勗曰九寺可并於尚書後魏亦有三府九寺則九卿稱寺久矣然通

異名不連官號其官寺連稱自北齊始也

置卿少卿丞各一人各有功曹五

官主簿錄事等員隋九寺與北齊同

自昔三代以上分置六卿比司百官

至秦及漢雖事不師古猶制度未繁後漢有三公九卿而尚書之任又益重矣魏晉以降職制日增後周依周禮制六官而年代短促人情相習已久不能革其視聽故隋氏復廢六官多依北齊之制官職重設庶務煩滯加六尚書似周之六卿又更別立寺監則戶部與太府分地官司徒職事禮部與太常分春官宗伯職事刑部與大理分秋官司寇職事工部與將作分冬官司空煬職事其餘百司之任多類於斯欲求理要實在簡省

帝降光祿以下八寺卿階品於太常而少卿各加置二

人始開皇中諸司署唯典掌受納至煬帝署令為判首取二卿同判丞唯知檢局令闕丞判唐九寺

與北齊同卿各一人少卿各二人丞以下有差龍朔二

年改九寺之名凡卿皆加正

若太常卿為奉常正卿他皆若此

後各復

舊初學記曰案釋名云卿慶也言萬物皆慶賴之也

又卿章也言貴盛章著也案古者天子諸侯皆名執政大臣曰正卿自周以來始有三公九卿之號大率九卿多秦漢官也漢世雖號九卿其官無卿字至梁始加卿

字其後並因之梁又象四時置十二卿陳氏因之後魏

依南齊以前置九卿又各加少卿焉北齊隋因之

歷代九卿

廢置不同自漢以來皆數少府北齊及隋則不數後漢省衛尉東晉及宋齊省太僕齊宋以前無太府

增文獻通考曰宋初雖有九卿皆以為命官之品秩而無職事元豐正名始有職掌中興併省冗職除太常寺大理寺不罷外宗正以太常兼而衛尉太僕併兵部太府司農併戶部光祿鴻臚併禮部紹興復置宗正太府司農餘遂廢



諸卿總載二

原法河

括海

春秋漢舍孽曰三公象五嶽九卿法河海二十七大夫法山陵謝承後漢書

曰李淑諫更始曰夫三公

上應垣宿九卿下括河海

龜鈕

犀印

漢官儀曰卿秩中二千石

孝武皇帝元狩二年令通官印方寸大小官印五分王

公侯金二千石銀印龜鈕司馬彪漢書曰二千石以

下至四百石佩

藻衣

花綬

漢官儀曰衣裳公侯華蟲卿大夫藻衣又曰卿

履印皆以黑犀

秩中二千石綬

緹扇

朱轡

續漢書曰卿以下有駢者緹扇汗青翅尾又

青地桃花三彩

曰秩中二千石

九列

六命

六卿周禮王之卿六命

增建旌

皆皂蓋朱轡

帶綬

周禮春官司常掌九旗之物名及國之大閱贊司馬頒旗物王建大常諸侯建旗孤卿建旌

東漢馬防位至九卿身帶三綬寵貴至盛也

執珪

佩玉

上詳總裁三東漢左雄言九

卿位亞三事班在六

原參三槐

位九棘

帝王世紀曰九卿者

官行有佩玉之節

所以參三公也又周禮曰面三槐三公位焉

又曰朝

士掌外朝之法左九棘孤卿大夫位焉鄭元注曰樹棘

以為位者取其赤心

民之主

君之佐

左傳國卿君之貳民之主

也又曰君之

辭高位

治大官

左傳齊侯使敬仲為卿辭曰羈旅之

卿佐是為股肱

臣敢辱高位以速官諂

國語晉悼公使張老為卿辭

曰臣不如魏絳之智能治大官若在卿位內外必平

四時不失

六卿分掌

說苑曰九卿者不失四時通於地理舉於九卿

釋名曰六卿分掌諸官

卿孤不掌傑然特立也

周倡九牧

漢置十二

尚書周官

六卿分職各率其屬以倡九牧阜成兆民孔傳曰卿官大夫士法其所分各率其屬治其所分之職以倡導九州牧伯為政大成兆民之性命皆能其官則政治理也

劉熙釋名曰漢十二卿一曰太常二曰太府三曰太僕四曰衛尉四曰光祿勳五曰宗正六曰執金吾七曰大司農八曰少府九曰大鴻臚十曰廷尉十一曰大長秋十二曰將作大匠

章善明理

背邪向正

白虎通曰卿之為言彰也彰善明理

也應劭漢官儀曰卿彰也

馬安四至

段宏再登

言當背邪向正彰有道德

漢書曰汲黯姊子司馬安少與汲黯並為太子洗馬安文深巧善官四至九卿又曰濮陽段宏始事蓋侯信

信任宏官亦

惟月之位 代天之工

白帖

再至九卿

諸卿總裁三

原掌建邦治經綸國體

王景課事曰卿考課一曰掌建邦國制治二曰九卿時序以考

事典三曰經綸國體以考奏議四曰共屬眾職以考總攝五曰明慎用刑以留考獄也

通不通

利不利

說苑曰九卿者不失四時通溝渠補隄防種樹木美五穀於是通於地理者也而通不通利不

利如是者舉焉

賤不臨貴以為上卿

說苑曰齊桓公使管仲治國管仲對曰賤不能

臨貴桓公以為上卿而國不治桓公曰何故管仲對曰貧不能使富桓公賜之齊國市之一年而國不治桓公

曰何故對曰疎不能制親桓公立

知其君子以為上

以為仲父齊國大安遂霸天下

卿

又曰秦繆公見百里奚牛肥問對曰臣飲食之以時使之不以暴有險先後之以身是以肥也繆公知其

君子以為上卿

三珪

莊子楚昭王延晉羊說以三珪之位司馬彪曰諸侯三卿皆執三珪

再

見

史記虞卿躡屣擔簦一說趙孝成王賜金百鎰再見以為上卿

卿才

增在於德

九卿之事

成其天

天子立三公九卿所以順成其天道

列侯參議

類要

常在於德

古之上卿次公一等至於西漢每與列侯參決朝議

一國之高

淮南子舉一國之高以為九卿

明白名卿

東觀漢記牟容為大司農性明白號曰名卿

狗虛忘實

天中記曰

唐麟德二年將有事於泰山有司議依舊禮皆以太常

卿為亞獻先祿卿為終獻劉祥道駁曰昔在三代六卿

位重故得佐祠漢魏以來推歸臺省九卿皆為常伯屬

官今登封大禮不以八座行事而用九卿無乃狗虛名

而忘事實乎高宗從其議竟以司

徒徐王元禮為亞獻祥道為終獻

長慶名卿

唐列傳韋洪景

以直道進議論持正有守當時風教所倚賴為長慶名卿

膺名稱重

續通典唐長慶元年給事

韋洪景封還駙馬劉士經為太僕卿制惟月府名象河稱重

### 太常卿一

原杜氏通典曰今太常者亦唐虞伯夷典三禮兼夔典樂之任也周宗伯為春官掌邦禮秦改曰奉常漢初曰

太常欲令國家盛太社稷常存故稱太常

顏師古曰太常者王之社

也畫日月為王者有大事則建以行禮官主奉持之故曰奉常後改為太尊大之義也

惠帝更名

奉常景帝六年更名太常後漢秩與漢同每祭祀前奏其禮儀及行事贊天子每選試博士奏其能否大射養

老大喪皆奏其禮儀每月前晦祭行陵廟助祭則平寬  
七旒漢舊常以列侯忠孝敬慎者居之後漢不必侯也  
舊制陵縣悉屬歲舉孝廉後漢則否

桓榮及子郁皆為太常初榮受尚書

章句減其煩辭後郁又剛定由是有桓君大小太常章句

建安中為奉常魏黃初元

年改為太常魏晉皆銀章青綬進賢兩梁冠絳朝服佩

水蒼玉

魏夏侯元為太常多所任改

宋齊皆有之舊用列曹尚書好

遷選曹尚書領護梁視金紫光祿大夫陳因之後魏為

上卿兼置少卿官

周禮有小宗伯中大夫二人即其任

北齊曰太常寺置

卿及少卿丞各一人掌陵廟羣祀禮樂儀制天文術數

衣冠之屬後周建六官置大宗伯卿一人

掌邦禮以佐皇帝和邦國

是為春官隋曰太常與北齊同煬帝加置少卿二人唐

因之龍朔二年改太常為奉常

少卿及丞隋寺名光祿以下諸寺準此

咸

亨元年復舊光宅元年改太常為司禮神龍初復舊卿

一人掌禮儀祭祀總判寺事少卿二人通判

餘寺少卿職並同太

常少卿本一員神龍中加一員

領丞一人主簿二人博士四人太祝三

人奉禮郎協律郎各二人齋郎五百五十二人

其餘小吏各有



差郊社太公廟太樂鼓吹太醫太卜廩犧等署各有令

其郊社及太公廟兩京皆有

初學記曰案太常漢官也宋百官春

秋云在昔唐虞伯夷作秩宗典三禮周則春官宗伯掌

禮樂並其任也漢曰太常

如淳曰常典也常典三禮故曰太常

王莽改曰

秩宗東漢又曰太常

五代史百官志云

至梁加卿字曰太常卿

其後因之增文獻通考曰宋初太常寺皆以禁林之

長主判

續會要曰皆以兩制充

而禮院自有判院同判院祥符中

祥瑞繁縟別建禮儀院輔臣主判而知制誥為知院天

禧未罷知院天聖中省禮儀院而寺與禮院事舊不相

兼康定元年置判寺同判寺並兼禮儀事元豐正名始

專其職焉卿掌禮樂郊廟社稷壇壝陵寢之事

禮之名有五吉

賓軍嘉凶皆掌其制度儀式祭祀有大祠有中祠有小祠其犧牲幣玉酒薦獻器服名辨其等掌樂律樂舞樂章凡親祠及四孟月朝獻景靈宮郊祀太廟掌贊相禮儀升降之節及朝會燕饗上壽封冊之儀若禮樂有損益及祀典神祇爵號與封襲繼嗣之事當考定者擬上於禮部凡太醫政令以時頒行元祐詔太

常寺置長貳餘寺監長貳並互置中興併省寺監獨存

太常又命太常兼宗正紹興復隆興元年詔光祿寺併

歸太常寺兼領掌社稷及武成王廟諸壇齋官習樂之

事丞一員罷卿舊不除人

紹興二十五年除張扶執政以為言遂改宗正復言之乃

除祭酒開禧間忽除

少卿元祐初除呂純禮御史論門

陳瓘俄亦改秘書監

蔭得官不可任奉常於是外補建炎初併省冗職詔太

常少卿一員兼宗正少卿

宋初太常少卿博士寺丞俱為寄祿官少卿後來為朝議

大夫博士承議

郎丞奉議郎

續文獻通考曰遼南面太常寺官曰

太常寺卿曰太常少卿曰太常寺丞曰太常寺主簿其

下有博士贊引太祝奉禮郎協律郎其所屬大樂署有

署令署丞鼓吹署亦有署令署丞法物庫掌圖籍有法  
物庫使法物庫副使金太常寺皇統三年正月始置太  
廟廩犧郊社諸陵大樂等署隸焉卿一員少卿一員丞  
一員掌禮樂郊廟社稷祠祀之事博士二員掌檢討典  
禮閱官一員檢討二員太祝掌奉祀神主奉禮郎掌設  
版位執儀行事協律郎掌以麾節樂調和律呂監視音  
調元置太常禮儀院掌大禮樂祭饗宗廟社稷封贈諡  
號等事仁宗復太常禮儀院為太常大厯二年定置院

使二員同知二員僉院二員同僉官二員院判二員經歷一員都事一員照磨兼管勾承發架閣一員屬官博士二員奉禮郎二員奉禮兼檢討一員協律郎二員太祝十員禮直管勾一員明初置太常司設卿少卿司丞其屬有博士典簿協律郎贊禮郎司樂太祝等官職專祭祀之事洪武三十年改司為寺永樂十九年定鼎北京在留都省加南京二字正卿少卿多用科目出身者推陞北寺間用樂舞生累資陞至卿寺甚或加禮部侍

郎尚書掌寺事至隆慶改元乃重推甲科出身者補任  
本寺卿一人少卿二人提督四夷館少卿一人其屬典  
簿二人博士二人神樂觀提點一人知觀二人協律郎  
二人贊禮郎九人司樂二十二人天地朝日夕月各壇  
祠祭署祈穀殿祠祭署諸陵十二祠祭署各奉祀一人  
祀丞一人吏目一人吏十一人卿掌祭祀禮樂之事總  
其官屬籍其政令以聽禮部少卿寺丞為之貳凡天神  
地祇人鬼歲祭有常先歲孟冬進明年祭日帝御奉天

殿受之頒諸司凡帝祭贊相禮儀大臣攝事亦如之若

祭先期請省牲大祀帝先省大臣繼省之進版銅人上

殿奏齋戒示諸司凡薦新品物移光祿寺凡國有冊封

冠婚營繕出師歲時旱澇大災難請告郊廟社稷凡新

王之國若朝還謁辭於寢廟凡祭滌器爨理香燭玉帛

整拂神幄必恭潔凡玉三等

曰蒼玉曰黃琮曰玉制

帛五等

曰郊祀曰

奉先曰展親曰禮神曰報功

牲四等

曰犢曰牛曰太牢曰少牢

樂四等

曰九奏曰八奏曰七

奏曰凡舞二

曰文舞曰武舞

凡樂器不徒凡陵園之祭無樂凡

祭掌燎省燎讀祝奏禮對引司香進俎舉麾陳設收支  
導引設位典儀通贊奉帛執爵司尊司罍洗卿貳屬各  
供其事凡宴會率其屬奏樂提督四夷館隸翰林院典  
簿典勾校金穀察視禮數省署文移博士講習禮文請  
帝填名祝版大禮導贊其儀神樂觀提點知樂領樂生  
舞生而時教肄之進退其考贊禮卽設君臣之位以奉  
祭祀之禮拜跪之節皆贊導焉而承傳之協律郎司樂  
考協雅樂凡舞人韻聲人籍覈其名數而審肄之凡淫



聲過聲山聲慢聲舞失節者皆禁糾之凡帝至祀所夜  
警晨嚴凡祭先期演樂太和殿凡大祀樂生七十二人  
舞生一百三十二人凡壇署典守壇場殿宇厨庫林木

時灑埽之以共其祀事陵署亦如之犧牲所凡三視牲

牢咸有數養而滌之籍田收穀納於神倉供五齋三酒

之用穰藁飼牲

穆宗隆慶中革太常寺協律郎等官四十八員存者二十九員從禮部疏寺卿

陳慶上疏固爭以郊壇典禮煩重今舉擬裁革未免關人廢事請下禮部熟計部議復持前說上報可於是吏部奏革協律郎等官慶內益不平乃上疏謂本寺非部所屬何得擅主裁革禮部亦言國家設六部分理天下

諸務為政事根柢今以本部理太常之事為侵擾則戶部之於錢糧兵部之於士馬皆為侵擾矣惟聖明獨斷以一政體疏並下吏部吏部覆太常所掌乃祠部一事固不可聚為部屬亦難謂全無統屬其公移往來宜各仍舊帝從之

## 太常卿二

原漢書曰太常秦官掌宗廟禮儀 漢書解詁曰太常掌社稷郊時事重職尊故在九卿之首 衛宏古文官書曰太常主導贊助祭皆平冕七旒元上纁下畫華蟲七章漢陵屬三輔太常月一行 史記曰叔孫通為奉

常賜金五百斤通因進言曰諸弟子儒生隨臣久矣與

共為儀願陛下官之高帝悉以為郎通出皆以五百金

賜諸生諸生曰叔孫生聖人也知當世務 增冊府元

龜曰漢趙典桓帝時為太常以諫諍違旨免官就國會

帝喪時禁藩國諸侯不得奔弔典慨然曰身從衣褐之

中致位上列且烏鳥反哺報德況於上邪遂解印綬符

策付縣馳到京師州郡及大鴻臚并執處其罪而公卿

百僚嘉典之義表請以租自贖詔許之 原華嶠後漢

書曰劉愷為太常論議常引正大義諸儒為之語曰雖

經伉伉劉太常 東觀漢記曰桓榮為太常上幸太常

府榮東面坐設几會賓子郁以明經復為太常 增後

漢書曰桓榮拜太常榮初遭倉卒與族人桓元卿同饑

厄而榮講誦不息元卿嗤榮曰但自苦氣力何時復施

用乎榮笑不應及為太常元卿歎曰我農家子豈意學

之為利乃若是哉 又曰靈帝欲以羊續為太尉時拜

三公者皆輸東園禮錢千萬令中使督之名為左騶其

所之往輒迎致禮敬厚加賜賂續乃坐使人於單席舉  
緼袍以示之曰臣之所資惟斯而已左騶白之帝不悅  
以此故不登位而徵為太常 又曰楊賜以病罷居無  
何拜太常詔賜御府衣一襲所服冠幘綬玉壺革帶金  
錯鈎佩 原應劭漢官儀曰北海周澤字雉都為太常  
恒齋有疾其妻憐其年老被病闕內問之澤大怒以為  
干齋掾史叩頭爭之不聽遂收送詔獄并自劾謝論者  
譏其激發不實又諺曰居世不諧為太常妻一歲三百

六十日三百五十九日齋一日不齋醉如泥既作事復低迷 增冊府元龜曰後漢楊震為太常先是博士選舉多不以實震舉薦明經名士陳留楊倫等顯傳學業諸儒稱之 又曰徐璆獻帝末為太常璆少履清高立朝正色稱揚後進惟恐不及 又曰蜀杜瓊字伯瑜為太常為人靜默少言闔門自守不與世事蔣琬費禕等皆器重之 魏書曰常林從光祿勳為太常晉宣王以林鄉邑耆老每為之拜或謂林曰司馬公貴重君宜止

之林曰司馬公自欲敦長幼之序以為後生之法貴非  
吾所制也言者慙而踣蹠 又曰邢顥字子昂時人稱  
德行堂堂邢子昂文帝以為太常卿 冊府元龜曰魏  
陳泰字元伯高貴鄉公時為太常及司馬文王會朝臣  
謀廢立泰不至使其舅荀覲召之垂涕而入文王謂曰  
元伯何以處我對曰誅賈充以謝天下文王曰不可為  
更思其次泰曰但見其進不見其次文王乃不復問

魏志王朗傳曰西京太常行陵赤車千乘 益部耆舊

傳曰趙典字仲任為太常雖身處上卿而布被瓦器

臧榮緒晉書曰咸熙五年詔曰華表

字偉容

清賢履道內

貞外順歷位忠恪言行不玷其以表為太常卿 傳暢

晉贊曰劉寔為太常與諸博士窮道義以理趣 冊府

元龜曰晉蔡謨成帝時為太常彭城王綰上言樂賢堂

有先帝生畫佛象經歷寇難而此堂猶存宜勅作頌帝

下其議謨曰佛者夷狄之俗非經典之制先帝量同天

地多才多藝聊因暇時而畫此象至於雅好佛道所未



承聞 又曰王彪之為太常領崇德衛尉時或謂簡文

曰武陵第中大修器仗將謀非常也簡文以問彪之彪之曰武陵王志意盡於馳騁田獵耳願深靜之以懷異同者弗復以此為言簡文甚悅 東齊記事曰燕龍圖

肅判太常建言今之樂太高始下詔求知音者 北齊

書曰趙彥深拜太常卿不脫朝服先入見母跪陳幼小

孤露蒙訓至此母子相泣久之 北史曰李元忠嘗為

太常卿後自中書令復求為太常以具有音樂而多美

酒故神武欲用為僕射文襄言其放達常醉不可委以  
臺閣其子聞之請節酒元忠曰我謂作僕射不勝飲酒  
樂爾愛僕射時宜勿飲酒 後周書曰長孫紹遠為太  
常廣召工人制樂器土木絲竹各得其宜惟黃鐘不調  
紹遠每以為意常因退朝經韓使君佛寺前過浮圖三  
層之上有鳴鐸焉忽聞其音雅合宮調取而配奏方始  
克諧 冊府元龜曰隋牛宏為太常卿時議置明堂詔  
宏條上故事文帝甚敬重之時楊素恃才矜功輕侮朝

士惟見宏未常不改容自肅 又曰唐王雅為太常卿

宋申錫獄自內起宰相重臣無敢言者雅與京兆尹崔瑄上疏請付外考驗其事由是獄情少緩申錫止於貶官內外翕然推重之 又曰杜黃裳為太常卿時順宗

即位王叔文竊權黃裳終不造其門後語其子壻韋執誼令率百官請皇太子出以安人情執誼遽曰丈人纔得一官寧可復開口議禁中事也黃裳勃然曰黃裳受恩三朝豈可以一官見賣拂衣而去 唐書曰竇誕為

太常奏用音聲博士皆為大樂鼓吹官僚於後彈胡琵琶胡人白胡達竹伯夷積勞計考並至大官自是以聲伎入流品者蓋以百數 宋史禮樂志曰宋太祖乾德二年以雅樂聲高近於哀思不合中和詔判太常寺和峴改定峴以王朴律準較洛陽司天臺影表石尺制律呂音始和暢 宋實錄曰賈黃中判太常禮院每詳定典禮損益得中 職略曰宋天聖同禮院王暉言開國以來禮儀沿革文字重複編成六十卷名禮閣新義

又曰治平修禮書百卷名曰太常因革禮初歐陽修同判太常寺奏禮院文字散失請差官編修嘉祐張洞奏用姚闢蘓洵編纂至是成書東都事略曰英宗即位中書奏請尊濮安懿王禮詔令禮官檢詳典禮以聞范鎮時判太常寺上言漢宣帝於昭帝為孫光武於平帝為祖則其父容可稱皇考而議者猶非之今陛下既考仁宗又考濮王則其失非特漢宣光武之比矣又曰楊傑元豐中官太常者連數任一時禮文之事傑與討

論 又曰熙寧初劉攽知太常禮院會建言講官願得坐講下太常議攽曰侍臣侍見天子應對顧問日討論不可安坐自若避席立語乃古今常禮時議者不一卒如攽言 言行錄曰劉敞判太常兼禮儀事上初即位有疾皇太后臨朝疾愈乃歸政適有小人言二宮不歡諫者或訐而過直敞謂當以義理感諷兩宮時進讀史記至堯授舜以天下敞因諫說舜至側微堯禪以位非有他道惟其孝友之德光於上下上知其以諷諫也慈

壽聞之亦大喜 元史徐世隆傳曰世隆中統初為燕京等路宣撫使宣撫使罷世隆還東平請增官縣大樂文武二舞令舊工教習以備大祀制可除世隆太常卿以掌之

### 太常卿三

原拜子

奏妻

後漢桓榮從少傅遷太常明帝即位尊以師禮拜子為郎 周澤

增

閒職

清選

齊書曰張環以雍州刺史拜太常自謂閒職

白居易制立國之本禮樂為先今之

太常兼掌其事歷代迄今謂之清選

容臺

禮寺

類要太常曰容臺天中記唐曰司禮寺

又曰  
禮院

原掌神祇

典天地

周禮春官宗伯之職掌建邦之天神人鬼地祇之禮

以佐王建保邦國鄭注建立也立天神地祇人鬼之禮者謂祀之祭之享之禮吉禮是也保安也所以立安邦

國者也

晉中興書曰元帝建武元年詔曰太常職典

天地兼掌宗廟其為任可謂重矣是以古今選建未嘗

不妙簡時望兼收儒雅

立郊廟

掌禮儀

尚書孔傳曰秩宗郊

遠通天人洽暢神祇

廟之官秩序也

百

定儀法

言禮樂

史記叔孫通傳曰惠帝即

官志曰太常掌禮儀

位乃謂通曰先帝園陵寢廟羣臣莫習徙通為太常定

宗廟儀法及稍定漢諸儀法皆通所論著也 緒漢書

張奮拜太常上疏言漢當改作禮樂圖書著明王者治

定制禮功成作樂謹條禮樂異議三事願下有司以時

考

增作類禮

起朝儀

合璧事類曰魏都公常以小戴禮綜彙不倫更作類禮一



十篇帝美其書叔孫通

# 有四院 下六曹

六帖曰唐制藏大享之祭服兼四院一日

太府院藏瑞應及代國所藏之寶祔祿則陳於闕庭二曰御衣院藏天子祭服三曰樂縣院藏六樂之器四曰神廟院藏御廩及諸器山堂肆考曰唐崔日知遷太常卿以歷年久每朝士參集嘗與尚書同判時人號為尚書裏行一說宋朝太常在六曹尚書之下與尚書丞郎同幕次故謂之尚書裏行

## 相百里

## 戴七旒

上見後表類要戴元冕之七旒驅赤車之千乘

## 中華殿 望省樓

國朝纂異曰唐令狐德棻為卿高宗召宰相坐中華殿問王伯執先德棻對以清心簡事為本又曰崔日知

恨不居八座為太常卿起樓與尚書省相對人謂之崔公望省樓

## 傳父業 陳母訓

山堂肆考漢桓榮子郁傳父業亦為太常下詳卿二

## 原舜咨秩宗 秦曰奉

常

應劭漢官儀曰古官也舜典帝曰咨伯夷汝作秩宗百官公卿表曰太常古官云伯夷也漢百官公卿

表曰太常卿一

人秦奉常也

增造廬特賜

賣宅自給

晉中興書曰賀循字

彥先拜太常中宗踐阼下令曰循冰清玉潔行為俗表位處上卿而居身服物蓋周形而已屋繞庇風雨孤常

造其廬特為慨然其賜六尺牀薦席褥并錢二十萬以表至德魏志曰和洽字陽正為太常清貧賣田宅以

自給明帝聞之加賜穀帛

孫通賜金

桓榮設几

史記曰高祖滅秦已登尊號羣

臣飲爭功醉或妄呼拔劔擊柱高祖患之於是叔孫通進說遂設絲絳野外習之月餘通曰可試觀上使行禮

畢復置法酒無敢譁失禮者高祖曰吾乃今日知為皇帝之貴也拜通太常賜金五百斤華嶠後漢書曰

桓榮字春卿以少傅遷太常明帝即位尊以師禮甚見親重拜之乘輿每常幸太常府令榮東面坐設几杖會

百官

還第攝事

千齋怒妻

晉起居注曰安帝二年太常臨川王寶啟府舍窄狹

不足移家母鍾年高遠離靡寧乞還第攝事詔聽之下詳卿二

宗官典禮

常臣

司宗

周禮春官注曰唐虞歷三代以宗官典國之禮漢之太常是也

六樂九

儀三牲七祀

上詳卿五張鷟曰聖朝道方萬古業降百祥輯五瑞而禮羣卿薦三牲而尊

七祀八通鬼道俱申滌濯之誠七里神壇並被嚴宗之

既故使白鶴揚彩向清廟而歸飛赤鴈呈姿對祠宮而

振選童按樂

為母導輿

山堂肆考曰唐王涯字廣津文宗時拜太常帝以樂

府之青鄭衛太甚欲聞古樂命涯詢於舊工取關元雅樂選樂童按之命曰祭園樂上悅

又曰唐崔郾字處

仁為太常卿故事太常始視事大閱四部樂都人縱觀郾乃自第去帽親導母輿都人榮之

終無

折衷 多所釐正

晉後略曰成泰位至太常好生異議終無折衷言行錄曰曾肇同知太

常禮院肇在職多所釐正上親祀皇地祇於北郊蓋自肇發之

濮安典禮 溫成廟

制 上詳卿二

言行錄曰宋韓維知太常禮院先是溫成皇后立廟用樂維上疏乞詔有司議廟制以明陞

下不私後宮之意

議講官禮

獻旋宮圖

上詳卿二 事略宋太常寺音律官

田琮以上所御九絃琴五絃阮并協律以旋宮相生之法畫為圖獻上上善之

原官屬稱有

恩 朝野歎淵學

漢書杜有陵為太常治諸陵縣官屬稱其有恩 晉中興會稽錄曰賀循

字彥先拜太常典司協同議先朝舊事以此校循所奏無不符同朝野咸歎循之淵學

洽神人

和上下

統百官諧萬民

尚書周官宗伯掌邦禮洽神人和上下孔傳曰主國禮治

天神地祇人鬼之事國之五禮如上尊下卑等別者也  
周禮曰三曰禮典以和邦國以統百官以諧萬民鄭

注云禮典宗伯之職也

當文明之代 居禮樂之司

帖白

太常卿四

原杜業數言得失

漢書杜業有才能以列侯選為太常數言得失不事權貴後坐法免

周澤數有直言

東觀漢記曰周澤少修高節耿介特立拜太常果敢直言數有據爭朝廷嘉其

清  
庶 桓榮東面几杖天子親自執經

華嶠後漢書曰桓榮遷太常明帝令

榮東面坐設几杖天子親自執經既罷悉以大官供具賜太常家其恩禮若此  
續漢書張奐拜太常卿設職官科限素  
有清節當可否之間強禦不可奪也

設職官科限

常引正大義

詳卿

## 韓暨多所匡政

魏志韓暨字公至遷太常時新都洛陽制度未備暨多所匡政

## 坐宗廟事免

魏志王肅遷太常時大將軍曹爽專權任用何晏鄧颺等肅與太尉蔣濟司農

桓範論及時政肅正色曰此輩即弘恭石顯之屬復稱說邪爽聞之戒何晏等曰當共慎之公卿已比諸君前

世惡人矣坐

## 增以侍中出

肆考曰魏城陽王徽與黃門侍郎徐紇毀侍中元順

宗廟事免

出為太常卿順奉辭時紇侍側順指之曰此魏之宰嚭魏國不亡此終不死紇脅肩而出順叱之曰爾刀筆小

才止堪供几案之用豈應污辱門下

敦我桑倫因振衣而起太后默然

## 原王祥南面几

## 杖帝北面乞言

晉書曰王祥拜太常天子幸太學命祥為三老祥南面几杖以師道自居天子

北面乞言祥乃陳明王聖帝君臣政化之要以訓帝百辟聞之莫不砥礪

## 以太廟事免

晉書

張華為太常以太廟棟折免官徐廣晉諸公贊曰張華為廟地發屋

柔而能整

晉書曰鄭默字

思元遷太常山濤欲舉一親為博士謂默曰卿以尹翁歸令吾不敢復言默為人敦重柔而能整皆此類也

儒素有學

山公啓事云彭稚儒素有學宜太常選

病不能從

晉書曰鄧攸為

太常時帝南郊攸病不能從車駕過攸問疾攸力病出拜有司奏攸不堪行郊而拜左道坐免攸每有進退無喜愠之色久之遷尚書左僕射

虞松考正舊儀

晉起居注元康六年以後不常親郊社制

度廢弛太常虞松考正舊儀無不悉備

賀循議兄弟不為後

晉中興書曰賀循拜

太常時宗廟始建舊儀多闕或以為惠懷二帝應各為世則潁川世數過七宜在迭毀事下太常循議以為禮兄弟不相為後不得以承代為世

蔡謨奏宜臨軒作樂

又曰濟陽蔡謨拜太常咸

寧四年臨軒門下奏非祭祀燕享則無設樂謨奏宜有金石顯宗納焉臨軒作樂自此始也

增諫

徵散樂

山堂肆考曰初齊高緯之世有魚龍山車等戲謂之散樂隋煬帝徵之太常卿高隸諫不聽退

謂丞李懿曰周天元以

捉筆賦詩

唐職林楊師道字景猷太宗時為太

好樂而亡殷鑒不遠

常卿賜宴帝曰聞公每酣捉筆賦詩如宿構試為朕為之師道再拜少選輒成一坐嗟伏

請蓬豆

皆加

合璧事類曰唐韋綰開元時遷太常卿唐興禮文雖具至顯慶中許敬宗建言蓬豆已多綰建言請

宗廟蓬豆

以祭酒遷

山堂肆考曰唐元載秉政忌楊綰奏為祭酒天下清議悉歸於

皆加十二

綰乃遷綰為太常充禮儀使郊廟禮廢綰振起之

禮樂之司

劉賓客集為杜佑謝男師損等

授官表曰太常實禮樂之司非儒者勿復

聲樂之司

韓愈為惟德興墓碑本寺禮儀聲樂之司



官屬亦妙選才也

仰三珪

推德與酬太常詩正名推五字貴仕仰三珪

彭年該

洽

筆談宋陳彭年博學於書史禮文尤所詳練常攝太常卿導乘輿誤行黃道上有司止之彭年正色回顧

曰自有典故禮曹素畏其該洽不復詰問

論輕假中官

山堂肆考曰司馬光知禮院時中官

凌允言死詔特給鹵簿光論名器不可假人允言近習

之臣非有元勳大勞而贈三公給鹵簿其為繁縷不亦

大乎  
總政兼夷夔事

樂城趙君錫制太常總禮樂之政兼伯夷后夔之事

奉龍

旂

張文潛詩平生秉周禮投老奉龍旂

請專配上帝

東都事略曰宋趙君錫同知太常禮

院時近臣有請英宗於明堂配昊天上帝及五帝君錫與禮官建言專配上帝以稱嚴父之意

請別

建置

明宣宗實錄曰宣德七年太常寺奏永樂中本寺寄處故元萬壽宮承慶堂祭器神帛品物皆貯於

內請別建置帝諭工部尚書吳中日  
太常專奉神明玉帛潔淨之居徙之

改書堂扁

春明夢餘

錄曰明太常寺在皇城西後府之南東向中為崇正堂  
後堂左右為官舍堂後為香帛庫庫北為浴堂南為祭  
庫右為祭器庫又明一統志曰太常寺在後府南典  
簿廳附焉外有神樂觀犧牲所各祠祭署亦隸之

### 太常卿五

原詩宋顏延之贈王太常僧達詩曰玉水記方流璇源

載圓折蓄寶每希聲雖祕猶彰徹聆龍睭九淵聞鳳窺

丹穴歷聽豈多士歸

一作唯

然覲時

一作世

哲舒文廣國華

敷言遠朝烈德煇灼邦懋芳風被鄉耆側同幽人居郊

扉常晝閉林間時晏開  
亟廻長者轍庭昏見野陰  
山明望松雪靜惟決羣化  
徂生入窮節豫往誠歡歇  
悲來非樂閨屬美謝繁翰  
遙懷具短劄 增唐杜審言  
送鄭卿

入京詩曰帝坐蓬萊殿  
思追社稷臣長安遙向日  
宗伯正乘春 杜甫贈太常  
卿張均詩曰氣得神仙迴  
恩承雨露低相門清議衆  
儒術大名齊軒冕羅天闕  
琳琅識介珪伶官詩必誦  
夔樂典猶稽健筆凌鸚鵡  
銛鋒瑩鵬鵜友于皆挺拔  
公望各端倪通籍踰青瑣  
亭衢照紫泥

靈虬傳夕箭歸馬散霜蹄能事聞重譯嘉謨及遠黎弼  
諧方一展班序更何躋 明高啟夜宿太常齋宮詩曰  
鳥散廟堧空清香肅閤宮太常齋禁密列祖享儀崇井  
叩銅瓶月墀鳴玉佩風聽鐘候車駕庭燎已燵燵

增制唐蘓頌行姜皎太常卿制曰命卿之貴以象冬春  
化人之本執踰禮樂殿中監姜皎學皆為已聞義思齊  
忠以事君立言成則自立屯險爰憑翊戴鳴謙滿於視  
聽好讓存於終始故可銘之鼎彝光我簪紱在昔唐典

惟清乃命洎於周官以和為重宜守太常卿勲封如故  
常衮行楊綰太常卿制曰舜以伯夷作秩宗漢以列  
侯掌郊廟至於園丘大射之制禮官博士之論莫不綜  
詳得失而折衷焉故事職尊冠九卿之首朝議大夫楊  
綰常在於道亦周於仁文以君子之言生知聖人之意  
廼者崇進名儒俾其宣明師訓講求三代稽合五經濟  
濟諸生誨之不倦飽於道德之富成其禮讓之風況恭  
儉忠信守而彌固一時模表清議所高固可以處楊震

桓榮之位領曲臺太子之重勉思厥服以稱任賢 元  
稹行趙宗儒太常卿制曰昔叔孫通徒以絲葛草具之  
功遂獲封侯之賞況朕始見天地朝祖宗哀勵祇嚴不  
克是懼惟爾肇自清廟逮予還宮贊導法儀踰於四百  
俛伏趨數訖無尤違夫何叔孫用是為比顧此沖昧實  
賴老成不有甄升孰明勤蓋奉常正秩左揆兼榮六樂  
九儀興替在此無忘勗率以厚人倫

原賛晉潘岳故太常任府君畫賛曰堂堂我君鑒象開

慶逸德宣猷含真履素味道無悶守終純固弓輿爰集

撫翼清舉翰飛公庭龍升天路初掌萬國流化千里遂

管祕籍辨章舊史入登常伯出作卿士外內惟允庶績

咸理中節日新令問不已濟濟儒林翼翼國子 孫綽

太常碑贊曰海岱協靈育此多士戔戔君侯東國之紀

金德發耀英風劬起文齊游夏行傳魯史有邈其升令

問不已人亦有言德崇譽高東帛旣賁旌節仍招儀刑

朝堂流風丹霄將振華袞永煥皇朝

原箴漢揚雄

初學記作崔駰

太常箴曰翼翼太常實為宗伯穆

穆靈祇寢廟奕奕稱秩元祀班於羣神我祀既祇我染  
孔蠲匪愆匪忒公尸攸宜弗祈弗求惟德之報不矯不  
誣庶無罪悔無曰我材輕身恃茲東鄰之犧牛不如西  
鄰之麥魚秦殞望夷隱斃鍾巫常臣司宗敢告執書

增明宣宗太常寺箴曰為國之要事神理民太常典祀  
式交百神昔予祖考致嚴祀享厥有純誠敬恭協相朕  
承丕緒思用允迪爾祇爾肅以輔以翼儀度必飭染盛



必潔無黷無慢凜乎對越事神之本惟心之虔豈直臨  
事平居有嚴神之鑒矣來歆來止神之歆矣民之福矣  
無曰冥冥洋洋有臨汝惟懋哉其慎其欽

原墓志梁元帝太常卿陸倕墓志銘曰如金有鑛如竹  
有筠體二方擬知十可鄰兩升鳳詔三侍龍樓南皮朝  
宴西園夜遊詞鋒颯豎逸氣雲浮日往月來暑流寒襲  
東耀方遠北芒已及墜露曉團悲風暮急 沈約太常  
卿任昉墓志銘曰天才俊逸文雅宏備心為學府辭同

錦肆含華振藻鬱焉高致川谿望歸巖阿待闕幽光忽  
斷窮燈黯滅爾有令問蘭薰無絕

原表梁陸倕為王光祿轉太常讓表曰昔者楚德方盛  
孫叔濯衣漢道克隆一作昌王陽結綬故拜命無辭受爵

不讓況宗卿清重歷選所難漢晉以降莫非素範辭爵  
則桓郁張奮讓封則丁鴻劉愷潘尼之文雅深純華表  
之從容退默自此迄茲風流繼軌以臣況之曾無等級

陳沈炯為周宏正讓太常表臣聞玉帛一作為雕楹不

取材於蠹木丹朱繡黼豳製冕於蘿薜何則適用各有

所宜朝野不可一旨叔孫之分定禮儀

一作野  
外定禮

倍資典

實刁協之躬為唱引豈易其儀賓主闕對

一作九  
賓闕相

封禪

失儀責以司存云誰之咎況南史執簡轉見違才君舉

必書尤難妄冒

增唐高郢謝再除太常卿充禮儀使

表曰秩宗之任典司三禮奉常之選班列九卿前古以

來用人為重非有望實不宜謬居臣昔叨此官已為負

乘之懼今復再歷信增濡翼之憂況專職禮儀別蒙委

遇明時大禮方奉郊禋未學謏聞何微損益飲永斯切  
俟駕靡遑

原傳梁王僧孺太常敬子任府君傳曰恥一物之不知  
惜寸陰之徒靡下帷閉戶投斧懸梁雖元晏書淫文勝  
經溢康成之忽忘所往公叔之顛墜研岸無以異也若  
夫大才卓爾動稱絕妙辭賦極其清深筆記尤盡典實  
若聞金石似注河海少孺速而未工長卿工而未速孟  
堅辭不逮理平子意不及文孔璋傷於健仲宣病於弱

其有集論尚書窮文質之敏駐馬傳信極豐疊之功莫  
尚於斯焉君職等曹張聲高左陸時乃高闢雪宮廣開  
雲殿秋牕春戶冬燠夏清九醞斯浮百羞並薦雲銷月  
朗聿茲遊客朋來旅見辭人才子輯圃學林莫不含毫  
咀思爭高競敏乃整袂端襟翰飛紙落豪人貴仕先達  
後進莫不心服貌慚神氣將索顧余不敏廁夫君子之  
末可稱冥契是為神交二三君子唯以從游日暮亭號  
昭仁庶子雲咫尺康成斯在借此嘉言將無絕乎千載

增序宋楊傑太常祠祭總要序曰凡太常典禮少府共服器光祿共酒齊泰稷果實醢醢將作共明水明火太府共香幣太僕共牛羊司農共豕俎有司應命人或為之騷然熙寧四年冬詔以諸寺監祠事隸於太常所以肅奉神之禮也太常初置主簿傑首被命至局之日寺監羣吏各執故習惘然不知祭酒之聯事傑乃集諸司所職為旁通一卷以示之於是上知其綱下知其目大事從其長小事則專達郊廟羣祀煥然易明有司百執

各揚其職職事相聯罔不修舉命曰熙寧太常祠祭總要云

增劄子宋張孝祥太常劄子曰陛下祇見郊廟靡愛圭幣懷柔百神獨聲詩之薦未稱明德伏覩太常所奏樂章第其篇叙則有詳略之不同稽之文義則或違悟之弗協三歲之祝祠四時之常祀率用此也而習熟所傳有司弗議臣甚懼焉恭惟真宗仁宗實始親制薦饗樂章所以申景鑠宣至和假三靈之驩者炳然與日星較

著而當時輔臣奉詔而作者亦皆依未光垂典冊雅頌  
所編不足道也臣愚欲望聖慈深詔邇臣取凡太常樂  
章更定篇次標列部分具以奏御陛下萬幾之暇用列  
聖故事擇宗廟郊禘親祠所用駿發睿思肆筆而成其  
餘命大臣與兩制儒館之士一新撰述裒為成書下之  
太常庶幾追繼韶濩施之無窮

太常少卿一

增六典曰凡有事於宗廟少卿率太祝齋郎入薦香燭



整拂神幄出入神主將享則與良醞令實樽罍後魏

書曰景明初班職令太常少卿第四品上第一清選明  
禮兼天文陰陽者為之又曰元順為太常少卿以父

憂去職哭泣歐血身自負土時年二十五便有白髮免  
喪抽去不復更生世人以為孝所致北史曰魏斛斯

徵字士亮為少卿博覽羣書尤精三禮兼解音律自魏  
雅樂久廢徵博采遺逸其樂始備樂有罇于者近代絕  
無此器或自蜀得之皆莫識徵見之曰此罇于樂也遂

依干寶周禮注為芒筒振之其聲極清衆乃歎服 三

國典略曰齊太常少卿袁聿脩與巡省河南兗州刺史  
邢邵為故舊邵嘗於省中呼聿脩為清郎至是送紬為  
信聿脩不受與邵書曰瓜田李下古人所謹邵報書曰  
昔為清郎今為清卿矣 山堂肆考曰唐太宗使少卿  
祖孝孫以樂律授宮中音樂伎不進數被讓王珪與溫  
彥博同諫曰孝孫脩謹士陛下使教女樂又責諫之臣  
竊以為不可 職林曰唐于休烈為少卿恭儉溫仁親

賢下士 又曰元澹字行沖景雲中授少卿行沖以系

出拓跋恨史無編乃撰魏典二十篇學者向之有人得

銅器似琵琶人莫能辨行沖曰此阮咸所作也雅樂家

遂謂之阮咸 冊府元龜曰唐李勉為太常少卿肅宗

時將大用勉會李輔國恃寵欲勉降禮於已勉不之屈

竟為所抑 分紀曰唐韋萬石上元中遷少卿當時郊

廟樂調及讌會雜樂皆萬石增損之時謂稱職 職林

曰鄭肅元和中轉太常少卿肅能為古文而尤長於經

學博士以下必就肅決之據經條答 唐書曰馮定字

介夫為少卿文宗每聽樂詔奉常習開元霓裳羽衣舞

以雲韶樂和之舞曲成定總樂工閱於庭定立於其間

文宗以其端嚴若植問知其姓氏因吟其送客西江詩

賜以禁中瑞錦詔悉所著以上遂遷諫議大夫 事文

類聚曰宋張載字子厚嘉祐三年登第熙寧二年賜對

除崇文館校書同知太常禮院事 分紀曰宋英宗賜

少卿孔叔謩金紫叔謩以勞當遷上不欲以卿監當筦

庫之務故有賜後以為例 又曰鮮于侁字子駿元祐

初為少卿會罷太祝侁言神考釐定官制太常設奉禮  
太祝誠不可廢乞復置仍請自朝廷選有學行者授之  
職詔從之 元史列傳曰王約使高麗還報稱旨除太

常少卿尋詔約同宗正御史譏獄京師約辭職在清廟

帝不允 吾學編曰盧原質寧海人洪武二十八年陞

太常少卿事建文帝屢有建白靖難後召見不屈死之

又曰廖昇洪武二十九年擢太常少卿建文元年勅

修高皇實錄昇及翰林侍講學士高葵志為副總裁昇  
博雅有史才朗達負氣聞忠誠伯茹常等自龍潭還慟  
哭與家人訣自縊死 明詩小傳曰李開先嘉靖中擢  
太常少卿會九廟災上疏自陳竟罷歸歸而治田產蓄  
聲伎徵歌度曲為新聲小令搗彈放歌自謂馬東籬張  
小山無以過也

太常少卿二

增清卿

高選

上詳少卿一曲阜集行范育太常少卿制太常貳卿尤為高選臺省侍從多

出此途

諷中令

遷諫議

唐職林曰薛稷遷太常少卿會鍾紹京為中書令稷諷使

讓因入言於帝曰紹本胥史素無才望今特以勲進師長百僚恐非朝廷具瞻之美帝然之遂許讓中書令

下詳少卿一

閑廡稍備

經學尤長

山堂肆考曰唐姜時轉太常少卿時國馬

缺乏請以詔書市馬六胡州卒得馬三千閑廡稍備下詳少卿一

專任禮樂

特賜

金紫

曲阜集溫益除太常少卿制奉常巨卿不常置為之少者益專寺任禮樂之事皆取決焉下詳少

一卿請輟遊幸

議定配享

山堂肆考曰宋呂公著嘉祐中同判太常寺數言濮

王在殯及請諫北使母用樂上元輟遊幸廢溫成皇后廟多見聽用又曰宋秦觀撰鮮于侁行狀鮮于侁為

太常少卿會議神宗配享功臣或欲用王荊公吳文惠者侁曰富文忠勲德天下具知宜配享其議遂定

俾居卿副 必謹擇人

公是集行呂務簡制俾居列卿之副 聞見近錄曰神宗詔執

政詣天章閣議官制除目至太常少卿帝曰此必謹擇人可除范純仁王鞏

太常少卿三

增詩唐杜牧送崔少卿詩曰帝命詩書將壇登禮樂卿  
三邊要高枕萬里得長城對客猶褰博填門已旆旌腰  
間五綬貴天下一家榮野水差新燕芳郊弄夏鶯別風  
嘶玉勒殘日望金莖榆塞孤煙媚銀川綠草明戈矛虓  
虎士弓箭落鵬兵魏絳言堪採陳湯事偶成若須垂竹



帛靜勝是功名

柳宗元賀宏農公詩曰響切晨趨佩

煙濃近侍香司儀六禮洽論將七兵揚合樂來儀鳳尊  
祠重餼羊卿材優柱石公器擅巖廊

增制唐孫逖行韋恒太常少卿制曰神清氣爽識遠心  
微周才可以求備雅望期於必復自登近密已積歲年  
淑慎有恒閑和易退奉常之亞稱職為難宜回夕拜之  
榮俾在春官之屬白居易行陳中師太常少卿制曰  
筮仕立身皆有本末不肯俗以矯迹不趨時以沽名從

容中道自致聞望如玉在佩動必有聲為時所稱何用  
不可朕以立國之本禮樂為先今之太常兼掌其事貳  
茲職者不亦重乎歷代迄今謂之清選往服是命行覩  
有成

增記唐獨孤及太常少卿廳壁記曰太常掌玉帛鐘鼓  
等威文物以報本乎天地神祇人鬼凡吉凶軍賓嘉之  
禮唐虞謂之秩宗周謂之宗伯秦謂之奉常漢謂之太  
常其掌一也後魏始建少卿官少小也用別二卿大小

之序亦猶宗伯有小宗伯列國有上卿下卿郡有守丞亦位亞一等以少參長而佐其成務焉故事自御史中丞給事中中書舍人遷秩為亞卿者必於是司故官因職雄地以人貴餘八卿不敢與太常齒云

### 太常丞一

原杜氏通典曰太常丞秦置一人漢多以博士議郎為之後漢凡諸丞皆掌行禮及祭祀小事總署曹事舉廟中非法皆銅印墨綬進賢兩梁冠

職官要錄曰晉宋九卿丞皆進賢一梁冠

介幘皂衣銅印  
黃綬齊梁墨綬

歷代皆有梁舊用員外郎遷尚書郎天

監七年改視尚書郎陳因之後魏北齊亦有之隋有二

人唐因之分判寺事

餘寺丞  
職並同

增文獻通考曰宋皇祐

中詔特差近上知禮官一員兼丞事建炎三年省紹興

復置 續文獻通考曰遼金元皆有之明太常丞二人

正六品

太常丞二

增推高 畏直

職林曰溫輔國居鄴薛嵩薦於朝授太  
常丞輔國一謝嵩即去屏處郊野世推

其高 山堂肆考曰宋石待問眉山少以詩賦名累官至太常丞時丁謂畏其直錢易奇其文楊億李諤服

其議

贊郊禮

記夷曲

胡文恭行王珪制丞諸樂卿贊我郊禮

唐職林曰天后

時李嗣真為太常丞聞東夷三曲一過授胡琴彈之無一聲遺忘

論聖學

撰廟碑

宋李浩行狀曰浩孝宗即位以太常丞召至闕首論聖學以為人主務學則其餘嗜好無間而入矣 明詩小

傳曰張羽洪武初舉賢良不出徵起廷對稱旨擢太常司丞兼翰林院同掌文淵閣事十六年帝親蒞滁陽王

事實命羽撰廟碑當時以大制作推重如此

巡視壇壝

參總禮樂

中興

錄曰太常丞一人以禮樂久次官高者充掌檢校樂器巡視壇壝 南豐擬制曰丞於奉常參總禮樂之事

請復廟享

詔閱工器

山堂肆考曰宋范希純為太常丞舊制太廟薦享逐室設

欽定四庫全書

卷九十

常食一牙盤元豐四年奏罷之希純奏請復舊制易其名曰薦羞又曰宋紹興十一年時太樂廢詔太常丞周執羔輯舊聞閱工器而樂始備

原谷永數言得失覆之決定疑

議漢書曰谷永為太常丞數上疏言得失建始三年冬日食地震同日俱發詔舉方正直言極諫之士太常陽城侯劉慶忌舉永待詔公車對策與杜欽俱為上第皆以其書示後宮陶氏家傳曰陶覆之為太常丞凡宗廟疑議多所決定時人為之語曰定禮決疑問陶覆之

太常丞三

原秩比千石總署曹事

續漢書百官志曰太常丞一人秩比千石總署三曹事

增五禮六樂自出

王氏彙苑曰漢太常丞以博士脩七議郎為之蓋五禮六樂所自出脩七

祀又曰唐因隋太常丞凡享太廟則修七祀於西門之內

居官不妄進取

言行錄曰宋陳

堯佐居官不妄進取為太常丞十三年不遷

## 太常官屬

主簿 博士 奉禮郎 協律郎  
郊社署 鼓吹署 太醫署

太卜署  
廩犧署

原杜氏通典曰主簿漢有之

漢鹵簿之制太常駕四馬主簿前車八乘魏晉

亦有焉梁天監七年十二卿各置主簿一人陳因之北

齊有功曹五官主簿二人

愚代諸主簿多說在列卿篇

唐置二人掌

付事勾稽省署抄目監印給紙筆等事

餘寺主簿並同職

增

文獻通考曰宋皇祐中宋祁乞增置一員勾檢在寺文書及掌出納遂除胡瑗後省不置元豐正名初除王子

奇建炎三年省紹興十年復置

言行錄曰宋李浩除太常寺簿輪對陳無逸之

戒且論宿衛大將恩寵太過高宗感其言宿將旋就第宋自秦檜扼塞言路士風寢衰至是浩與王十朋馮方查篇胡憲始相繼有所開陳時號五賢聞者興起太學之士至為五賢詩以述其事

續文獻通

考曰元無明有典簿二人

詳太常卿

原杜氏通典曰博士

魏官也魏文帝初置晉因之掌引導乘輿王公以下應

追謚者則博士議定之

秦有博士數十人兩漢太常屬官皆有博士掌以五經教子弟



則今國子博士是也端委佩玉朝之大典必於詢度歷代皆有隋

有四人唐因之甚為清選資位與補闕同掌撰五禮儀

注導引乘輿贊相祭祀定諫謚及守祧廟開閉埽室及

祥瑞之事

中宗將為韋后父鄭王陵廟各置五品令太常博士楊孚曰興寧永康陵尚置七品令鄭

王不可上踰先帝又勅武氏崇恩廟齋郎以五品子

充孚曰太廟齋郎尚取七品以下子武氏不宜取五品

也上曰太廟可準崇恩置孚曰崇恩為太廟之臣太廟為崇恩之君以臣準君猶為僭逆以君準臣奈天下何

事皆增文獻通考曰宋祥符中置博士二人後四員

元豐正名初除何洵直博士掌講定五禮儀式有改革

則據經審議凡於法應謚考其行狀撰定謚文有祠事

則監視儀物掌凡贊道之事中興省丞簿而太常博士

如故紹興九年諫議大夫曾統言祖宗朝太常博士四

員今見一員添置一員隆興元年從王太寶等議并省

博士一員續文獻通考曰遼金皆有博士元博士二

員正七品明博士二員

詳卿

原杜氏通典曰奉禮郎

漢大鴻臚有理禮郎四十七人晉理禮郎四人屬太常

令後魏理禮郎四人北齊有奉禮郎三十人屬鴻臚寺

之司儀署後周有理禮中士下士各一人隋有奉禮郎

十六人屬太常寺煬帝減置六人唐初有理禮郎四員

掌設板位執儀行事至永徽二年以廟諱改為奉禮郎

開元二十三年減二員

奉禮本名理禮國家撰五代史志至永徽七年乃成于時此官

已改故隋書百官志謂北齊及隋理禮皆為奉禮奉禮之名雖見於前史其改始自永徽

增文獻

通考曰宋奉禮郎品秩見前掌奉幣帛授初獻官大禮

則設親祠板位太祝掌讀冊授搏黍以嘏告飲福則進

爵酌酒受其虛爵續文獻通考曰遼有奉禮郎金奉

禮郎從八品元奉禮郎二員又有奉禮兼檢討一員並

從八品明有贊禮郎九人

掌詳卿一

原杜氏通典曰協律

郎漢曰協律都尉李延年為之

武帝以李延年善新聲故為此官

後漢

亦有之魏杜夔亦為之

魏武平荊州初得杜夔知音識舊樂故為此官

晉改為

協律校尉後魏有協律郎又有協律中郎北齊及隋協

律郎皆二人唐因之掌舉麾節樂調和律呂監試樂人

典課

增文獻通考曰宋協律郎朝宴親郊則遣官攝

事崇寧後協律郎隸大晟府又有按協聲律製撰文字

韻譜等官以京朝官選人或白衣士人通樂律者為之

續文獻通考曰遼及金元皆有之明協律郎二人

並掌

詳卿一

原杜氏通典曰兩京郊社署周官有典祀掌以

時祭祀秦漢有太祝令丞屬奉常景帝改為祠祀武帝

更曰廟祀後漢祠祀屬少府魏晉有太祝令丞宋曰明

堂令丞掌祀五帝之事齊有太祝及明堂二令梁有明

堂太社二令並屬太常北齊太廟令兼領郊祀崇虛二

丞

郊祀掌五郊羣神崇虛掌五嶽四瀆神

後周有司郊上士中士司社中

士下士隋太常寺置郊社署令丞各一人唐因之掌郊社明堂祠祀祈禱及茅土衣冠等事 增文獻通考曰

宋嘉祐元年置郊社令命石祖元為之熙寧元年郊社局令張伯世言局有郊社名而不主四郊之事於是始

主四郊壇壝之事

按唐六典兩京郊社局令各一人掌五郊社稷明堂之位然則郊社令通

管五郊之事乞自今兼令勾當四郊壇壝之事使得巡視提舉所貴官正其名郊兆寬潔從之郊社令掌巡視四郊及社稷之壇壝掌凡 埽除之事祭祀則省牲 渡江初闕紹興十九年始除

韓彥直為太社令請給並依五監主簿例 續文獻通

考曰金郊社署隸太常承安三年設祝史齋郎百六十人作班祇倖使周年一替大安元年奏兼武成王廟署令一員丞一員掌社稷祠祀祈禱並廳舍祭器等物元郊祀署屬太常秩從六品大德元年始置令二員丞一員明洪武二十四年設各祠祭署奉祀祀丞詳卿一原杜氏通典曰鼓吹署周禮有鼓人掌六鼓四金之音後漢有承華令典黃門鼓吹屬少府晉置鼓吹令丞屬太常元帝省太樂并鼓吹哀帝復省鼓吹而存太樂梁有

鼓吹令丞又有清商署北齊鼓吹令丞及清商部並屬

太常隋有鼓吹清商二令丞至煬帝罷清商署唐鼓吹

署令丞各一人所掌頗與太樂同 增文獻通考曰宋

鼓吹局令一人丞一人崇寧後隸太晟府

詳見太樂署

續

文獻通考曰遼鼓吹署有令丞金太樂署兼鼓吹署

詳太

樂

元無明亦不置 原杜氏通典曰太醫署周官有

醫師上士下士掌醫之政令秦兩漢有太醫令丞

漢官儀曰

太醫令周官也秩千石丞三百石

亦主醫藥屬少府

後漢又有樂丞有醫士長

魏因



之晉銅印墨綬進賢一梁冠絳朝服而屬宗正過江省  
宗正而屬門下省宋齊隸侍中梁陳因之後魏有太醫  
博士助教北齊又曰太醫令丞後周太醫下大夫隋太  
醫署令二人唐因之主醫藥針灸按摩呪禁各有博士

武德中關中多骨蒸病得之必死遞相染此許允宗每  
療皆愈或謂曰何不著書以貽將來荅曰醫乃意也在  
人思慮有脈候幽隱苦其難別意之所解口莫能宣古  
之名手唯是別脈然後識病之源藥有正相當者唯須  
單用一味直攻彼病立即可愈今人不能別脈莫識病  
源以情意度多用藥味譬之於獵不知兔處多發人馬  
空廣遮圍或冀一人偶然逢也如此療病不亦疎乎既  
不可言故無著述

甄權貞觀中百餘歲換脈經針方

明堂人形圖其弟立亦達醫術撰本草音義七卷古今錄驗方五十卷

增文獻通考曰

五代時有翰林醫官使宋制翰林醫官院使副各二人並領院事以尚藥奉御充或有加諸司使者直院四人尚藥奉御六人醫官醫學祇候無定員掌供奉醫藥及承詔視療衆疾之事典二人徽宗時置翰林院勾當官一員以內侍省押班都知充總天文書藝圖書醫官四局崇寧元年詔醫官有勞轉皇城使實及五年方許除遙郡刺史又七年除遙郡團練又十年以上方許除遙

郡防禦使醫官有和安成和成安成全大夫

舊為軍器庫使

保

安大夫

舊為西綾錦使

保和大夫

舊為樞密使

翰林良醫

舊為翰林醫官使

和安成和成安成全郎

舊為軍器庫副使

保和郎

舊為西綾錦副使

保

安郎

舊為樞密副使

翰林醫正

舊為翰林醫官副使

翰林醫官翰林醫效

翰林醫痊翰林醫愈翰林醫證翰林醫診翰林醫候翰

林醫學舊諸司使副有醫官使及副使蓋自太醫丞直

院轉醫官副使叙遷年格一同武官但為東班使額耳

謂自法酒庫以上至皇城使

政和初既易武階而醫官之名亦遂易

馬凡十有四階立和安大夫視樞易使以上翰林良醫

視醫官使其和安郎以下視東副使若醫官副使則以

醫正易之

官制舊典曰此名皆大臣所撰無所稽據傳曰登高能賦可以為大夫今乃以雜流為之

可見當時大臣之不學也

續文獻通考曰元世祖中統元年置宣

差提點太醫院事給銀印掌醫事製奉御藥物領各屬

醫職不隸太常院至治二年定制院使十二員同知僉

院同僉院判各二員經歷都事各一員照磨兼承發架

閣庫一員吏不錄所屬八諸路惠民藥局成宗元貞三

年置初太祖於燕京等十路置局官給銀五百錠為本  
月營子錢以備藥物擇良醫主之以療貧民世祖末年  
以失陷官本罷之後復置令各路正官提調醫學提舉  
司至元九年置掌考校諸路醫生課藝試驗提舉一員  
副提舉一員明初置醫學提舉司洪武十四年更設太  
醫院令丞吏目御醫如文職授散官嘉靖中定本院院  
使一人院判二人其屬吏目一人御醫十八人所屬衙  
門惠民藥局大使一人副使一人生藥庫大使一人副

使一人吏九人院使掌醫療之法院判為之貳

按元明太醫院

俱不屬太常而別為一銜今姑附此

原杜氏通典曰太卜署殷官太卜

為六太周官太卜掌三兆之法秦漢有太卜令後漢并於太史自後無聞後魏有太卜博士北齊有太卜局丞後周有太卜大夫小卜上士龜占中士隋曰太卜令丞一人唐因之 增文獻通考曰宋以太卜隸司天臺然不置專官 原杜氏通典曰廩犧署周禮有牧人掌牧六牲以供祭祀秦漢內史左馮翊廩犧令丞並掌犧牲

鴈鶩後屬大司農後漢河南尹屬官有廩犧丞魏晉宋  
齊梁陳後魏北齊隋皆有之唐令丞各一人掌犧牲粢  
盛之事 增文獻通考曰宋廩犧屬光祿寺有牛羊司  
供應所掌大中小祀之牲牷及大官宴享膳羞之用監  
官三人以諸司使副及三班使臣充監棧園三人以三  
班使臣充

### 太常主簿

增深禮樂 檢文書

中興會要曰宋紹興十二年太常少卿王賞言本寺主簿劉榮強記

洽聞又深禮樂所有討論文字欲令共同討論從之

下見前官制

與聞禮樂 稽考

簿書

職略曰龍溪除蘇良治制簿領雖卑然隸於太常與聞禮樂之事非他官比也

下見四朝志

太常博士一

增六典曰太常博士掌辨五禮之儀式本先王之法制通變隨時而損益焉 世說新語曰張憑舉孝廉詣劉真長還船須臾真長至遣覓張孝廉船同旅惋愕即同載詣撫軍劉前進謂撫軍曰今日為公得一太常博士妙選既前撫軍與之話言咨嗟稱善曰張憑勃率為理



窟即用為太常博士 通略曰唐貞觀時祖孝孫增換

樂律不能決溫彥博曰呂才天悟絕人聞見一接輒究  
其妙王珪魏徵稱才製尺八十三枚與律諧契 唐書

曰裴守貞授博士高宗將封嵩山詔禮官議射牲守貞  
奏曰據周禮國語郊祀天地自射其牲漢武封泰山令  
侍中儒生射牲至於餘祀無射牲之文 職林曰袁利  
正高宗時為博士上疏諫以為前殿路門非命婦宴會  
倡優進御之所帝納之傳詔曰卿奕世忠鯁能抗疏規

朕之失乃賜物百段 冊府元龜曰唐韓思復則天朝  
為太常博士定南郊儀注去太妃鼓吹排羣邪守大體  
國家賴之 山堂肆考曰唐紹為太常博士中宗時始  
郊祭祀欽明知韋后能制天子欲迎諂之即奏以皇后  
亞獻安樂公主終獻紹以為非引誼固爭詔禮官集議  
衆皆曲意同徇欽明紹獨抗言不可諸儒壯其節合  
璧事類曰唐尹知章遷太常博士中宗時議以涼武昭  
王為七廟始祖知章議武昭遠世非王業所因乃止

又曰唐陳正節遷太常博士玄宗奉昭成皇后祔睿宗  
室而欲以肅明皇后并升焉正節奏言廟必有配一帝  
一后禮之正也昭成皇后有太妣之德升配睿宗肅明  
皇后既非子貴宜在別廟於是留主儀坤廟詔隸太廟  
毋置官 孔帖曰裴寬改太常博士禮部建言忌日享  
廟應用樂寬自以情立議曰廟尊忌卑則作樂廟卑忌  
尊則備而不奏中書令張說善之請如寬議 分紀曰  
唐張薦貞元中帝親郊時更兵亂禮物殘替為參綴典

儀略如舊章 又曰王彥威淹識古今典禮求為太常

散吏卿知其經生補檢討官彥威采隋唐凡禮沿革皆

條次彙分號元和新禮上之拜博士 又曰陸亘為博

士寺有禮吏孟真久於其事凡吉凶六儀祀官不能達

率訪真真倚以倨橫元和冊皇太子真參議偃蹇亘榜

逐之胥吏失色 山堂肆考曰宋和峴字晦之凝子也

授太常博士從祀南郊峴贊導乘輿進退間雅太祖謂

近侍曰誰氏之子何相禮之明辨乎左右以峴問閔對

尋拜刑部員外郎兼判太常寺 呂東萊集曰王居正

字剛中為太常博士朝廷懲創王氏邪說之禍會故相

韓忠彥議謚居正云熙寧初闢近臣坐講之請有功名

教宜謚曰文禮而韓氏子乃以故事未有以禮為謚者

謁宰相求改居正卒不改 東都事略曰常安民字希

古為成都教授上書論強國之本曰勸忠厚勵名節元

祐公卿薦其才召為太常博士 元史列傳曰虞集除

太常博士丞相拜珠方為其院使間從集問禮器祭義

甚悉集為言先王制作以及古今因革治亂之由拜珠  
數息益信儒者有用 又曰王守誠性好學從鄧文原  
虞集遊文辭日進泰定中為太常博士續編太常集禮  
若干卷以進 又曰李好文泰定中除太常博士會盜  
竊太廟神主好文言在禮神主當以木為之金玉祭器  
宜貯之別室又言往年有詔為集禮而乃令各省及各  
郡縣纂修宜其久不成也白長院自選僚屬數人仍請  
出架閣文牘以資采錄三年書成名曰太常集禮

# 太常博士二

增明練

清雅

唐李吉甫貞元中為博士時年尚少明練典故雍洛靈異錄曰開元中以太

常禮儀聲樂之司局亦擇才博士尤為清選

明沿革

具儀法

職官分紀曰崔龜從

太和初為博士最明禮家沿革時享宗廟敬宗祝版稱皇帝孝弟龜從議以兄弟無稱孝之義宜去孝弟兩字從之又稱九宮不過列宿不容為大祠詔皆

補容典

考功行

唐職林曰僖宗時商盈孫為博士喪亂之後制度彫紊追補容典皆盈孫折衷又昭宗將

謁郊廟有司不知樂縣制度盈孫按周法以算數殊類要令狐楚曰叔孫通起帝典於桴鼓之中自此以還鴻生碩儒若賈誼董仲舒公孫宏罔不以此進元帝詔丞相御史明於古今通達國體者徵為博士今行能

在臣右者知其班末祿寡莫不以博士為媿臣獨以為榮詳曲臺之儀法考庶僚之功行太常三卿始涖事博士無參集之禮

引誼固爭

據禮以對

上詳博士一唐續通典曰德宗親郊柳

冕攝博士據禮以對太子嘉異

改集禮院

撰明堂儀

唐續通典曰令狐綯守兵

侍同平章事其日南省上事故事送上而同列必先集於少府監時白敏中崔龜從皆為太常博士至相位欲榮其舊署乃改集太常禮院因名為集禮院龜從手筆志其事分紀曰唐韋叔夏為太常博士撰立明堂儀注眾咸

博士入相

郎中兼職

續通典崔龜從記曰博士重官也由此選

者繼登三事而又並時同位者相望元和初權德輿李吉甫同在相位長慶中竇易直在中書杜元預提印使西蜀今僕射相公始與鄭文簡肅中與韋公琮同居中書予復叨重委因志所同以遺他日亦以知博士之選



為重馬時令孤絢父楚亦以博士  
入相時人榮之

下詳博士三

獲黃鍾樂造方

域圖

合璧事類曰唐李嗣真為博士訪獲黃鍾象  
樂逆和又曰唐呂才為博士造方域圖

持

議不俚

謚法得正

分紀曰唐呂才累遷太常博士帝  
病陰陽家所傳書多繆偽洩惡世

益拘畏命才與宿學老師刪落頗訛撤可用者為五十  
三篇合舊書四十七凡百篇詔頒天下才於持議儒而

不俚云下詳

俾專戎檄

退賜御書

九國志曰南  
唐高越為博

後白居易制

士淮上兵起召賜金紫俾專  
掌戎府檄書下詳博士一

安民力學倪濤能文

東都事略曰常安民幼穎悟力學元祐公卿薦為太常  
博士又曰倪濤字巨濟能文有操履舉進士為太常

撰進禮書

上言時事

通略曰元祐五年太常博  
士陳詳道以所撰禮書進

給事中范祖禹言其精密過於羣崇義詔兩制詳之  
山堂肆考曰宋劉庠遷博士英宗以災異求直言庠上  
書論時事遂除  
監察御史裏行  
議論激切  
進退閑雅

山堂肆考曰張九成除太

常博士陞對以正心術用人才收兵權為  
說議論激切上深獎歎下詳博士一

作千字文

定五禮式

山堂肆考曰宋崇寧中米芾為博士奉詔以黃庭堅小楷書作于字文以獻又曰

元豐初除何御直博士掌講定  
五禮儀式有改革據經酌議

太常博士三

增贊儀

六典曰大祭祀則與卿以導贊其儀

妙選

職官分紀

禮官

合璧事類曰漢

時謂博士為禮官亦有稱官大夫者

大典詢度

晉書博士之職端委佩玉朝之大典必詢

度

**兼職**

唐職林曰裴蒞通古今祀儀為太常博士及至郎中每兼其職

**分務專治**

職林曰楊牧言漢制總羣官而聽曰省分務而專治曰寺太常藏天子之旂常今旂常田車隸太僕非是

**才稱其官**

分紀曰唐裴守真授太常博士善容典時謂才稱其職

**修舉墜典**  
文事

類聚曰柳子厚為陳京慶復行狀云公為博士舉疵禮修墜典

**問不虛酬**

孔帖曰崔龜從遷太

常博士問不虛酬

**改封衍聖**

事略曰宋祖無擇為博士至和二年詔封孔子孫宗愿為文宣

公無擇言唐開元中謚孔子為文宣王又以其後為文宣公是以祖謚而加後嗣也遂改封宗愿為衍聖公

**太常博士四**

增制唐蘓頌行陳貞節太常博士制曰卞寶輝光楚材

翹秀窮禮經之奧博踐詞律之風雅參名列侍每獻昌  
言掌事奉常宜銓令典白居易行鄭涵等太常博士  
制曰早以文行久從吏職輩流之間頗為淹滯況雅有  
學識進修不已禮官方缺宜當此選凡朝廷禮制或損  
益有疑中外謚議或褒貶不決爾為博士皆得正之

杜牧行蕭硯太常博士制曰禮至則無怨樂至則不爭  
揖讓而理天下者禮樂是也今國家上法三代下採兩  
漢賢文隆殺皆有舊章今命博士非欲草具儀法但使

提舉考習而已著作佐郎蕭硯富有文學默守恬退爾  
其為我折衷輕重詳校疑似使祝宗卜史之徒不敢以  
近習欺爾斯則可矣

御定淵鑑類函卷九十

欽定四庫全書

御定淵鑑類函卷九十一

設官部三十一

太史令 太祝令 太樂令  
提督四夷館 宗正卿

少卿附

宗正官屬

太史令一

原杜氏通典曰太史局令昔少皞以鳥名官其鳳鳥氏  
為歷正至顓頊命南正重以司天北正黎以司地唐虞  
之際羲氏和氏紹重黎之後代序天地夏有太史終古

者當桀之暴知其將亡乃執其圖法而泣之奔於殷殷

太史高勢見紂之亂載其圖法出奔於周周官太史掌

建邦之六典正歲年以序事頒告朔於邦國

魯昭公二年晉韓宣

子聘魯觀書於太史氏見易象與魯春秋曰周禮盡在魯矣

又有馮

音憑下同

相氏視天

文之次序保章氏掌天文之變當周宣王時太史官失

其守而為司馬氏司馬氏世典周史惠襄之間司馬氏

適晉

周惠王襄王有子頽叔帶之難故司馬氏奔晉

晉中軍隨會奔秦而司馬

氏入梁秦為太史令

胡毋敬之為太史令作博學章句

漢武置太史公



以司馬談為之位  
在丞相上天下計書  
先上太史副上丞相  
談卒其子遷嗣之遷  
死後宣帝以其官為  
令行太史公文書而  
已

瓚曰百官表無太史公茂陵中書司馬談以太史丞為太史令也張壽王亦為

太史令後漢太史令掌天時星歷凡歲將終奏新年歷凡

國祭祀喪娶之事掌奏良日及時節禁忌國有瑞應災

異則掌記之

獻帝時太史令王立曰前太白守天關與熒惑會金火交會革命之象漢祚終矣晉

魏必有興者後數言於帝曰天命有去就五行不常盛伏火者土承漢者魏能安天下者曹姓唯委任曹氏而

已曹公聞之使人語立曰知公忠於朝廷天道深遠幸勿多言秦漢以來太史之任蓋

并周之太史馮相保章三職自漢晉宋齊並屬太常銅

印墨綬進賢一梁冠絳朝服梁陳亦同後魏北齊皆如

晉宋隋曰太史曹置令丞各二人而屬秘書省煬帝又

改曹為監有令唐初改監為局置令龍朔二年改太史

局為秘書閣改令為郎中

丞為秘書閣郎

咸亨初復舊初屬祕

書省久視元年改為渾天監不隸麟臺改令為監置一

人其年又改為渾儀監長安二年復為太史局又隸麟

臺其監復為太史局令置二人景龍二年復改局為監

而令名不易不隸祕書開元二年復改令為監改一員

為少監十四年復為太史局置令二人復隸祕書後又

改局為監

乾元元年又改其局為司天臺掌天文歷數風雲氣色有異則密封以奏其次小吏有司

歷保章正靈臺郎挈壺正等官各有差

增文獻通考曰宋有司天監天

文院鐘鼓院元豐正官制以太史局隸祕書省掌測驗

天文考定歷法凡日月星辰風雲氣候祥眚之事日具

所占以聞歲頒歷於天下則預造進呈祭祀冠婚及典

禮則選所用日其官有令有正有春官夏官中官秋官

冬官正有丞有直長有靈臺郎有保章正其判局及同判則選五官正以上業優考深者充保章正五年直長至令十年一選為靈臺郎試中乃遷而挈壺正無遷法其別有天文院測驗渾儀刻漏所掌渾儀臺晝夜測驗辰象鐘鼓院掌文德殿鐘鼓樓刻漏進牌之事印厯所掌雕印厯書 續文獻通考曰遼南面司天監有太史令其下曰司厯曰靈臺郎曰挈壺正曰五官正曰五官丞曰五官主簿曰五官靈臺郎曰保章正曰司厯監候

曰司晨刻漏博士曰典鐘曰典鼓金司天臺隸祕書監  
掌天文歷數風雲氣色密以奏聞少監判官教授司天  
管勾長行人五十人天文科女直漢人各六人算律科  
八人三式科四人測驗科八人漏刻科二十五人銅儀  
法物  
舊在法物庫貞元  
二年始付本臺元初因金人舊制立司天臺設官屬  
至元八年以上都承應闕官增置行司天監十五年別  
置太史院掌天文歷  
數之事與臺並立頒歷之政歸院學校之  
設隸臺後改臺為監置司天監三人掌凡歷象之事少

監五人丞四人知事一人通事兼知印一人官屬有提  
舉二人教授二人學正二人天文科算厯科三式科測  
驗科漏刻科管勾各二人陰陽管勾一人押宿官二人  
司辰官八人天文生七十五人回回司天監初元世祖  
在潛邸有旨徵回回為星學官以其藝進未有官署至

元十二年春用王恂薦以許衡領太史院事

初承用金  
大明厯歲

久寢疎欲釐正之乃命王恂及楊恭懿郭守敬測驗改  
正而以張文謙張易董之恂言厯家知厯數不知厯理

宜得許衡總之遂  
命衡領太史院事

十六年二月太史令王恂請建司天

臺於大都儀象圭表皆銅為之增銅表至四十尺測影  
長而真又請上都洛陽等五處分置儀表各選監候官  
從之同勅郭守敬由上都抵南海測影具訪通天文歷  
數者明初置欽天監正五品初名太史令通判僉判校  
事郎五官正劉基為太史令兼太子率更令後改為院  
設院使同知院判五官正典簿雨暘司時序郎紀候郎  
基又為院使洪武九年改為司天監設監令少監監丞  
主簿主事五官正副監候司晨漏刻博士

吾學編曰楊  
源弘治間任

五官監候正德元年七月源上疏言占候得大角及心中星動搖天璇天璣天權星不明乞安居深宮絕遠游獵疏下禮部部言源占候之言深切時弊源復疏言十月二十六日占候得連日霾霧交作為衆邪之氣陰冒於陽臣欺於君小人擅權為下畔上引譬甚力劉瑾怒矯旨杖三十源又疏言一向占候得火星入太微垣帝座前或東或西往來不一乞思患預防瑾又大怒罵源爾何官亦學為忠臣乎矯旨又杖三十謫戍肅州行至

懷慶卒

又置回回司天監設監令少監監丞三年始改欽

天監四年改監令為正儀大夫少監分朔大夫五官正司元大夫監丞靈臺郎五官保章正平秩郎五官靈臺郎司正郎挈壺正挈壺郎諸散官十四年再定品員散



官給授如文官二十二年改監令監丞為監正監副三十一年革回回監回回歷法隸於欽天監監置監正一人監副二人其屬主簿一人春夏中秋冬官正各一人五官靈臺郎四人五官保章正二人五官挈壺正一人五官監候二人五官司歷二人五官司辰二人漏刻博士二人吏四人監正掌察天文定歷數監副為之貳凡日月星辰風雲氣色之變異率其屬而占候焉密疏上凡元象圖書非其職不得預凡習業者分為四科曰天

文曰漏刻曰回回曰歷自五官正下至天文生陰陽人各專科肄焉凡觀象登臺臺四面面四人凡歲大統歷御覽月令歷七政躔度歷六壬遁甲歷並先期奏行下凡歷註上歷三十事民歷三十二事壬遁歷六十七事凡歲祭日先一歲會選奏上凡營建師旅冠婚陵寢選地擇日凡立春先期候氣於東郊凡大朝賀設定時鼓於文樓報時鷄唱擊鼓各共其事凡四季天象占驗歷御覽天象錄以時奏上凡疇人世業立師而教之乏人

移禮部訪取試用之五官正專理厯法造厯司厯監候  
佐之靈臺郎辨日月星辰之躔次分野以占候天文之  
變凡瑞星妖星瑞氣妖氣考諸雜占保章正專志天文  
之變辨其吉凶之占挈壺正知漏刻孔壺為漏浮箭為  
刻以考中星昏明之占漏刻博士定時更時報更警晨  
昏皆鐘鼓司佐之原杜氏通典曰丞二人司馬彪續  
漢志曰太史有丞一人魏以下歷代皆同隋置二人煬  
帝減一人唐初不置丞久視初改為渾儀監始置丞二

人長安二年又省景龍二年復置初儀鳳四年五月太常博士檢校太史姚元辨奏於陽城測影臺依古法立八尺表夏至日中測影有尺五寸正與古法同調露元年十一月於陽城周天測影得長二尺七寸開元十二年四月命太史監南宮說及太史官太相元太等馳傳往安南朗蔡尉等州測候日影迴日奏聞數年伺候及還京僧一行一時校之安南北極高二十一度六分冬至日影七尺九寸四分春秋二分影二尺九寸三分夏至

至影在表南三寸三分

測影使者太相元太云交州望極纔出地三十餘度以八月自

海中南望老人星殊高老人星下衆星粲然其明大者衆甚圖所不載莫辨其名大率去南極二十度以上其星皆見乃自古渾天家以為蔚州橫野軍北極高四十

常沃地中伏而不見之所也

度冬至影丈五尺八寸九分春秋二分影六尺六寸二

分夏至影在表北二尺二寸九分此二所為中土南北

之極其朗襄蔡許河南府汴滑太原等州各有使往並

差不同一行以南北日影校量用勾股法算之云大約

南北極相去纔八萬餘里其諸州測影尺寸如左林邑

國北極高十七度

冬至影在表北六寸九分定春秋分影在表北二尺六寸五分夏至影在

表南五寸七分安南都護府北極高二十一度六分

冬至影在表北七尺

九寸四分定春秋分影在表北二尺九寸三分夏至影在表南三寸三分

朗州武陵北極高

二十九度五分

冬至影在表北丈五寸三分定春秋分影在表北四尺四寸七分夏至影在表

北七寸七分

襄州

恒春分影在表北四尺四寸

蔡州武津館北極高三十

三度八分

冬至影在表北丈二尺三寸八分春秋分影在表北五尺二寸八分夏至影在表北一尺三

寸六分

許州扶溝北極高三十四度三分

冬至影在表北丈二尺五寸三

分定春秋分影在表北五尺三寸七分夏至影在表北尺四寸四分

河南府告成北極高

三十四度七分

冬至影在表北丈三尺七寸一分定春秋分影在表北五尺四寸五分夏至影

在表北尺四寸九分

汴州浚儀太嶽臺北極高三十四度八分

冬至

影在表北丈二尺八寸五分定春秋分影在表北丈尺五寸夏至影在表北尺五寸三分滑州白馬

北極高三十五度三分

冬至影在表北丈三尺定春秋分影在表北五尺五寸六分夏

至影在表北尺五寸七分

太原府

恒春分影在表北六尺

增續會要曰宋司

天監有丞元豐官制行置太史局丞

遼金元明並有

之詳  
前

## 太史令二

原底日

司天

日官居卿以底日禮也注位如卿而不  
在六卿之數故曰居卿底致也平致也

高陽命南  
正重司天

增日觀

天工

建康志曰宋有日觀  
司天臺也

下見後即

齊七政

叙三辰

書曰在璿璣玉衡以  
齊七政

頒正朔

作渾儀

周禮曰太史頒正朔於邦國  
張衡作渾天儀又宋太平興國四年司天監生

張思訓本唐李淳風梁令瓚之法創式以獻製於禁中  
日月行度成於自然不假人運命置文明殿東南鼓樓

擢思訓為

分八節

探五行

漢書律曆志炎帝分八  
節以治農功軒帝紀三

渾儀丞

綱而闢書契乃使羲和占日常儀占月史區占星氣伶  
倫造律呂大撓造甲子隸首作算數容成綜斯六術考

定象述而著焉謂之調曆又曰探五行之精占斗魁  
所建始作甲乙以名日謂之干作子丑以名月謂之支



支干相配  
以成六旬

和人道

考天時

漢書律歷志曰治歷明時所以和人道也 晉

書律歷志曰後秦姚興曰治歷之法必審日月之行然後可以上考天時下察地化一失其本則四時變移

候星辰

增甲子

山堂肆考曰東漢太史下別有靈臺丞掌候日月星辰又曰宋至

道二年司天冬官正楊文誼上言請於新歷甲子外更增六十年事下有司判司天臺苗守信等議以為原無所依據不可行上曰支干旺相雖止於六十年儻兩周甲子共成上壽之數使期頤之人得見所生之歲不亦善乎因詔有司新歷以一百二十甲子為限

原掌日之官

書雲之史

掌邦六典

授歲四時

二十四氣

三百六旬

人

代天功

史分日月

行夏之時

從周之典

以上俱白帖

增司分簡日

授歷知天

海錄碎事 宋廣平集曰  
王律調元璿璣授歷思舉

日觀之職用  
知天道之元

編考歷書

奏進儀表

元列傳曰王恂  
世祖時與許衡

及楊恭懿等編考歷四十餘家晝夜測驗創立新法參  
以古制推算極為精密授太史令歷成賜名授時歷頒

行天下

又曰郭守敬言歷之本在於測驗而測驗之

器莫先儀表今司天渾儀宋皇祐中汴京所造不與此

處天度相符表石年深亦復叢側乃盡考其失而移置  
之時改局為太史院以守敬同知太史院事守敬奏進

儀表式當帝前指陳理

能知象緯

精于占候

吾學  
編曰

致至於日昃帝不為倦

明初太史院使劉基上戊申大統歷上初在滁陽問李  
善長漢有三傑佐平天下今徐達可方韓信公可兼張

良蕭何乎對曰良智計絕人臣何敢望若轉給兵食或  
可勉效何耳上因問今世之士孰可擬良者對曰臣聞

浙東宋濂能知象緯上曰以吾所聞不如青田劉基上  
定括蒼孫炎以上命聘基詣金陵時時占乾象佐行軍  
輒效以為太史令尋改太史院使又曰洪武時重天  
官之學稍通歷象占步風角者咸得衣食於官劉伯完  
精於占候又請回回歷法  
起嗜人歷官欽天監副

原單颺占黃龍 蔡衡辨

大鳥

後漢單颺遷太史令初熹平末黃龍見譙橋元問  
颺此何祥也颺曰其國當有王者興不及五十年

龍當復見此其應也魏郡人殷登密記之至建安二十  
五年春黃龍復見譙其冬魏受禪 三輔決錄云卓

降大鳥太史蔡衡曰  
五色多青者鸞也

齊七政於銅渾 視四時於玉

律 日月星辰乾象不忒 分至啟閉歲功有成 當

同文之朝思稟正朔 奉太史之職宜察天時 帖白 增

丞陵宮之職 局事之貳

胡文恭行馬知良制 合璧  
事類曰宋太史令總一局之

事而丞  
為之貳

### 太史令三

原日官

傳天子有日官諸侯  
有日御日官太史也

察時變

易曰觀乎天  
文以察時變

協時月

書曰協時  
月正日

宿離不忒

月令曰孟春命太史司  
天歷候日月星辰宿離

不忒無失經紀以初為常注歷推策也候占候也宿二  
十八宿也離猶歷也七曜為經二十八宿為紀初謂孟

春歲  
首也

邦國之治

周禮曰太史掌建邦之六典以逆邦  
國之治掌法以逆官府之治掌則以

逆都鄙  
之治

班告朔

周禮春官職曰班告朔於邦國鄭元  
注曰天子頒朔於諸侯諸侯藏之祖

廟至朔朝於廟  
告而受行之

右史朔望以聞

周書曰維正月王在成周昧爽召三公右

史戎夫曰今夕朕寤遂事驚子乃取  
遜事之要戒俾戎夫言之朔望以聞

太常屬官太史

令漢書百官公卿表曰太  
常屬官有太史令一人

冠一梁冠秩六百石

漢官儀曰

太史令秩六百石冠  
一梁丞二人三百石

青史記事

漢書藝文志曰青史  
子五十七篇注曰古

史官記事也

太史之任

賈誼新書曰不知先王之諱與國  
之忌不知風雨雷霆之眚此太史

之任也

胡毋作博學章

漢書藝文志曰博學七章  
者太史令胡毋敬所作也

璇

璣之正

白帖曰張衡妙盡璇璣之正作渾天儀  
以漏水轉之於室內與天相應若符合

鳳凰

之正

鳳凰知天時故  
以名盛政之官

掌天時

後漢書百官志曰太史  
令掌天時星歷周禮太

史職云正歲年以序事頒之於官府及都鄙鄭注云中數曰歲朔數曰年中數大小不齊正之以閏若今時作

歷日矣定四時以

作渾天儀

後漢書張衡傳曰衡遷

次序授民時之事

為太史令乃研覈陰陽

妙盡璇璣之正作渾天儀鑄銅為之著靈憲莫罔論言甚詳明

造地動儀

又曰衡復

動儀如有地動乃知震之所在驗之以事合契若神

張衡留意天文

文士傳曰張衡有功

藝事特留意天文由是遷太史令也

張壽非漢歷

恭邕集議曰太史令張壽王挾甲寅元非

漢歷也

許芝陳天命

諸葛亮集曰太史令許芝詔者僕射諸葛璋有書與亮陳天命人事

欲使舉國稱藩亮遂不報

惟知占候

史通曰自古太史之職惟以著述為宗而兼掌歷象日月

陰陽氣數司馬遷既沒續史記者褚先生馮商揚雄之徒並以別職知史務於是太史之署非復記言之司故

張衡高堂隆等其當官見稱者惟知占候而已

遠不度古近不儀今

魏志高堂隆為

侍中猶領太史令隆集上事曰太史許芝遠不度於古近不儀於今每祭與吏爭肉自取百觔猶恨其少也

後代所宗

晉書曰高陽命南正帝嚳亦式序三辰唐虞則羲和夏則昆吾殷則巫咸周則史佚

魯梓慎宋子韋齊甘德鄭裨竈魏石中其巫咸甘石之說後代所宗

增冠應五緯

唐志曰五

官正冠加一珠星以應五緯衣從其方色元日冬至朔望朝會及大禮各奏方事而服以朝見

職配

五方

續通典曰唐乾元二年知司天臺韓穎奏創置五官職配五方上稽五緯

太史據法

韓詩外傳曰據法守職而人不敢非者太史也

專報時候

續文獻通考曰明欽天監事例凡推

算日月交食本監先期備開分秒時刻并起復方位具奏禮部通行內外諸司臨時救護至救護時本監官專

報時候不隨班行禮

### 白本占奏

明欽天監事例凡天文如日月星辰風雲霞霧本監各委官生

晝夜占候或有變異舊例自具白本占奏

### 永遠不遷

又曰洪武六年令本監人員永遠不許遷

勳子孫只習學天文歷算不許習他業其不習學者發海南充軍

### 晷影堂

又曰凡本監觀星有

盤洪武十七年造又渾天璇璣玉衡簡儀俱正統四年造十一年奏準簡儀修刻黃道等度圭表壺漏俱如南

京舊制又造晷影堂以便窺測調品

### 通象緯及風雲氣候

吾學編曰胡儼字若思南

昌人永樂即位擇翰林官吏部薦儼帝曰儼曉天文宜令欽天監試送翰林供事欽天監言儼果通象緯及風

雲氣

### 簡儀銅壺

續文獻通考曰景泰六年又造簡儀銅壺

### 歷附增太初

歷史書曰漢武帝太初元年大中大夫公孫卿壺遂太史令司馬遷言歷紀壞廢宜改正朔倪寬議宜用夏



正乃詔造漢太初  
歷以正月為歲首

### 四分歷

又曰漢武帝太初元年作  
太初歷施行百餘年考其

行度日有退無進月有進無退光武建武八年朱浮言  
歷不正宜更改至章帝元和元年上命官綜校四分歷

施行

### 三統歷

又曰漢孝成之世劉向總六歷  
作五紀論子歆作三統歷及譜

景初

歷晉志曰魏明帝景初元年楊偉作景初歷帝遂改正  
朔以建丑為正蓋其年三月為立夏孟仲季雖與夏

正不同至於郊祀蒐狩班宣時令皆以建  
寅為正至晉武帝泰始元年改名泰始歷

### 乾象歷

晉律

歷志漢靈帝時劉洪考史書自古迄今歷法始悟四分  
歷於天疎濶斗分太多更以五百八十九為紀法百四

十五為斗分作乾象法冬至日  
日在斗二十五度名曰乾象歷

### 黃初歷

晉志曰魏文  
帝黃初中高

堂隆詳議歷數當有改革韓翊以為乾象歷減斗分太  
過其後陳羣以為所建猶恐未審乃以乾象歷互相

錯校更撰歷  
日黃初歷

### 皇極歷

隋志開皇二年末充奏日長影短高祖以歷付皇太子遣更精

詳日長之候太子召歷莫咸集劉焯以太子新立增修其書名曰皇極歷

### 麟德歷

唐書曰唐高宗

麟德中李淳風以戊寅歷推步浸疎乃增損劉焯皇極歷更撰麟德歷行之

### 大衍歷

又曰唐元

宗開元九年詔僧一行作新歷名開元大衍歷自太初至麟德歷有二十三家與天雖不遠而未密至一行密

矣其倚數立法固無易也後世雖有改作者皆依倣而已

### 至德歷

又曰唐肅宗時山人韓穎上言

大衍歷或誤帝以穎直司天臺又損益其術更名至德歷寶應元年六月日蝕三之一代宗以至德歷不與天

合詔復用麟德歷

### 五紀歷

又曰唐代宗廣德二年五月初行五紀歷

### 宣明歷

又曰

唐憲宗即位司天徐昂上新歷名曰觀象至穆宗改撰名曰宣明歷

### 千歲歷

又曰唐王勃精於推

步歷算常  
作千歲歷

崇元歷

又曰唐昭宗時宣明歷數漸差詔  
邊岡胡秀林等改作新歷賜名崇

元

授時歷

元王恂作  
詳令二

大統歷

續通考鈔曰明欽天  
監事例凡歲造大統

歷先期二月初一日進呈來歲歷樣然後刊造一十  
五本送禮部差人齎至南京并各布政司照樣刊印

## 太史令四

增詩唐李山甫司天臺詩曰拂雲朱檻捧昭回靜對銅  
渾水鏡開太史只知頻奏瑞蒼生無計可防災景公進  
德星曾退漢帝推誠日為迴何事曠官全不語好天良  
月鎖雲臺

增論宋唐庚辯陳壽蜀不置史官論曰春秋之時卜田宅者占雲日者皆稱太史則太史殆陰陽家者流然書趙盾書崔杼者亦稱太史則太史又似掌記注者蓋方是時學者多知天文而卜興廢者亦不純用蓍龜太史伯以祝融之功而推楚國之必興太史趙以虞舜之德而占陳氏之未亡其議論證據有絕人者故陰陽注記得兼掌之漢司馬談父子為太史令以論著為已任而又掌天官則兼掌之效於茲可見魏晉之際始置著作

郎自是太史分而為二孔明之時尚未分也然觀後主  
景耀元年史官奏景星見於是大赦改元而曰蜀不置  
史官妄矣

### 太祝令一

原杜氏通典曰太祝殷官與太宰等官為六太周官太  
祝下大夫三人上士四人掌六祝之辭以祈福祥秦漢  
有太祝令丞後漢亦曰太祝令丞晉宋齊梁陳後魏北  
齊皆因之後周依周官至隋置太祝署太祝令丞煬帝

罷署太祝八人唐初有七人後增為九人開元二十三年減置三人掌讀祝文出納神主 增文獻通考曰宋

太祝奉禮郎掌奏祭祀闕則承奏廕京官十六歲以上

未掌事者充郊社掌坐齋郎無員數

富鄭公之父貧甚客呂文穆門下一

日白公曰某兒子十許歲欲令入書院事廷評太祝李文靖公為相治第陋甚或以為言公曰居第當傳子孫此為宰相廳事誠陋為太祝 禮廳事已寬矣蓋三官皆宰相子弟初廕之官也

續文獻通

考曰遼太常寺主簿下有太祝金太祝掌奉祀神主元太祝十員明太祝職專祭祀之事

# 太祝令二

原太常屬官有諸廟令

漢書百官公卿表曰太常屬官有諸廟令有諸陵太乙令樂令

景帝改為祠祀令

又曰太祝令景帝更名為祠祀令武帝更曰廟祀令

明帝

改曰太序令

續漢書百官志曰明帝永平十三年曹褒奏尚書璆璣鈴曰有帝漢出德洽作樂名

太序帝善之下詔曰今且改太樂官曰太序丞以應圖讖

掌陵園

又曰太廟令一秩六百石守

廟掌陵園案

掌祝辭

周禮曰太祝掌六祝以事鬼神祈福祥求永貞一曰順祝二曰

年祝三曰吉祝四曰化祝五曰瑞祝六曰策祝鄭注曰永長也貞正也求多福歷年得正命也鄭司農云順祝

順豐年也年祝求永貞也吉祝祈福祥也化祝弭兵也瑞祝逆時雨寧風旱也策祝遠罪戾也

掌讀

祝

續漢書百官志曰太祝令一人秩六百石掌祭祀讀祝及迎送神

增好學溫良

文事

類聚曰陰猛好學溫良稱於儒林以郎遷太祝令

## 大樂令一

原杜氏通典曰大樂署周官有大司樂掌成均之法亦

謂之樂尹以樂舞教國子

左傳曰楚鍾建為樂尹即大司樂也

秦漢奉常

屬官有大樂令及丞又少府屬官并有樂府令丞後漢

永平三年改大樂為太子樂令掌伎樂人凡國祭享掌

諸奏樂

盧植禮注云大樂令如古大胥漢大樂律卑者之子不得舞宗廟之酎除吏二千石到六百石



及闕內侯到五大夫子取適子高五尺以上年十  
二到三十顏色和順身體循禮者以為舞人也 魏復

曰大樂令丞晉亦有之

晉起居注曰成帝咸和中詔大樂令戴綬教習伎樂勤勞賜米

百斛布 齊銅印墨綬進賢一梁冠絳朝服

齊大樂及諸陵令永明末

置用二品三品勲置主簿戶曹六品保舉 梁陳因之後魏置大樂博士北齊

曰大樂令丞後周有大司樂掌成均之法後改為樂部  
有上士中士隋有大樂令丞各一人唐因之掌習音樂

樂人簿籍 增文獻通考曰宋制大樂局令一人丞一

人樂正二人副使正二人掌車駕郊祀及御殿御樓大

祠登歌徽宗時置大晟府以大司樂為長典樂為貳次  
曰大樂令主簿協律郎又有按協聲律製撰文字韻譜  
等官以京朝官選人或白衣士人通音律者為之宣和  
二年詔以大晟府近歲添置冗濫徽幸並罷 續文獻  
通考曰遼大樂署有令丞金大樂署兼鼓吹署樂工百  
人令丞掌調和律品教習音聲并施用之法樂工部籍  
直長一員大樂正掌祠祀及行禮陳設樂縣大樂副正  
從九品元大樂署中統五年始置令一員丞一員掌管

禮生樂工四百七十九戶明初太常有司樂職專祭祀之事洪武十二年置神樂觀詳卿一

## 大樂令二

原序神人

典倡優

揚雄大樂令箴曰笙磬既同鐘鼓羽籥周序神人協於萬國桓譚

新論曰昔孝成帝時余為樂府令凡所典倡優伎樂蓋且千人

增應圖識

正雅樂

上見太祝令二 事文類聚曰魏黃初中以杜夔為大樂令使正雅樂時散騎侍郎鄧靜善詠雅樂歌樂師尹相能習宗祀之典舞師馮肅曉知前代諸舞爰與創定遷協律都尉

## 大樂令三

增徐筠周官考大樂令注曰按周官大司樂中大夫二人而屬於禮官之宗伯古者取士必由乎學其教之也必先乎樂大司樂學官也掌成均之學政樂非但鐘鼓而教亦必非佔畢之謂而已自漢已後射策決科之學勝博士弟子員徒以區區之文為黜陟之令雖同領屬於禮官之太常而大司樂不復與聞學政專治樂事所謂樂德樂語非復先王之舊矣

提督四夷館

增續文獻通考曰明設翰林院提督四夷館內有各國

通事少卿一員主之

燕都遊覽志曰四夷館永樂五年始設命禮部選監生蔣禮等三十

八人隸翰林院習譯書

### 宗正卿一

原杜氏通典曰周官少宗伯掌三族之別以辨其親疎  
秦置宗正掌親屬漢因之更以叙九族平帝元始四年  
更名宗伯五年又於郡國置宗師以紀皇室親族世氏  
致教訓焉選有德義者為之有冤失職者宗師得因郵

亭上書宗伯請以聞

為書付郵亭常以正月賜宗伯帛令送至宗伯

十匹王莽并宗伯於秩宗後漢曰宗正卿一人掌序錄

王國嫡庶之次及諸皇室親屬遠近郡國歲因計上皇

族名籍若有犯法當髡以上先上諸宗正宗正以聞乃

報決

胡廣曰宗正人歲一理諸王世譜差叙秩第髡口昆切

兩漢皆以皇族為之

不以他族魏亦然晉兼以庶姓

山公啟事曰羊祜忠篤寬厚然不長理劇宗正

卿缺不審可轉作否

咸寧三年又置宗師以扶風王亮為之使皇

室戚屬奉率德義所有施行必令誥之

梁王彤亦為宗師

東晉

省之屬太常

桓溫奏省

宋齊不置宗正梁天監七年復置之

視列曹尚書主皇室外戚之籍以皇族為之陳因之後

魏有宗正卿少卿北齊亦然後周有宗師中大夫

掌皇族定

世系辨昭穆訓以孝悌

屬大冢宰隋如北齊之制唐龍朔二年改

為司宗咸亨元年復舊光宅元年改為司屬神龍初復

舊卿一人少卿二人

初少卿一人太極元年加一人

掌皇族外戚簿籍

及邑司名帳領崇元署及諸陵太廟開元二十五年制

宗正等寺官屬皆以皇族為之

初學記曰案宗正卿

周官也宋百官春秋云周受命封建宗盟封兄弟之國一十有五同姓之國三十有五始選其宗中之長而董正之謂之宗正成王時彤伯入為宗正掌王親屬是也秦漢因之晉曰大宗正

漢魏皆同姓為之晉以後雜用庶姓為之

五代史百

官志曰至梁加卿字除大字曰宗正卿北齊又加大字隋又除之唐初因之增文獻通考曰宋宗正寺判寺事二人以宗姓兩制以上充闕則以宗姓朝官以上知丞事掌奉宗廟諸陵薦享之事司皇族之籍大宗正同



知司事二人以皇親團練觀察使以上充掌敦睦皇族  
教導宗子受其陳請辨訟之事及糾過失而違之朝廷

景祐三年始置司以皇兄寧江軍節度使濮王知大宗  
正事皇姪彰化軍節度觀察留後守節同知大宗正事

修玉牒官無定員掌修皇帝玉牒序宗派紀族屬歲撰

宗子名以進舊隸宗正寺景祐中言者以玉牒與國史相通後以史官兼又有睦親

廣親宅都大管勾三人以內侍充元豐六年詔宗正寺

長貳不專用國姓蓋自有大宗正司以統皇族也中興

後卿一人不常置少卿一人以太常兼嘉定九年詔以

宗學改隸宗正寺自此寺官又預考校之事

太宗正司中興後以

位高屬尊者為判大宗正寺又置知大宗正丞一員掌糾合宗室而檢防之訓飭之凡宗室磨勘遷轉襲封請給核其當否嫁娶房奩分析財產酌厚薄多寡而訂其議凡宗室除合該賜名外皆大宗正定名而後報宗正寺其餘遷授官資支給錢米考核以詔予奪其玉牒所不率教者以法拘之歲久知悔則除其過名

淳化六年始設局置官倣唐制也

朱勝非秀水閒居錄宋朝國書嚴奉寶藏

未有如玉牒者用金花紅羅標黃金軸至神廟以軸大難於披閱詔為黃金梵夾又以黃金為匣鎖鑰皆金也進呈畢安奉於宗正寺玉牒殿續文獻通考曰遼北面大特哩衮司太

祖神策二年置掌皇族之政教官名曰特哩衮

又名德爾吉曰

知特哩衮司事曰特哩衮都監

興宗重熙二十二年耶律義先拜特哩衮戒族人曰國家三

父房最為貴族天下風化所自出不孝不義雖小不可為其妻晉國長公主之女每見中表必具禮服義以身率先國族化之南面宗正寺職在大特哩衮司金大宗正府避睿

宗諱改為大睦親府判大宗正事一員以皇族中屬親者充掌敦睦糾率宗屬欽奉王命焉同判大宗正事一員同簽大宗正事一員大宗正丞二員知事一員元大宗正府初未有官制首置斷事官會決庶務至元二年置十員止理蒙古公事皇慶元年以漢人刑名歸刑部

按世祖至元二十二年哈喇哈遜由掌宿衛拜大宗正用法平允時欲以江南獄隸宗正哈喇哈遜曰江南新附教令未孚且相去數千里欲遙制其刑獄得無冤乎事遂止

明太祖改大宗正院為

宗人府遂定官制府設令一人

正一品

左右宗正左右宗

人俱各一人

從一品

其屬經歷一人是年秦王為宗人令

晉王燕王為左右宗正周王楚王為左右宗人故至今

署府者不由中門後以勲戚大臣攝府事不備官會典

云本府所領宗室重事故品秩特序文職之首

按孫清宗人府

題名記云太建宗人府以主睦宗親族之事制以親王之長領府事其次則宗人令左右宗正左右宗人皆

正一品以勲舊大臣佐之玉牒派演金枝廣疎立嫡請  
名章奏文移必闕歷而後行焉故宗人府列諸司之首  
載在祖訓及大  
明官制甚詳 正統三年始建府治  
以駙馬都尉西寧侯宋瑋掌之 遂

為定制宗人令掌皇九族六親之屬籍以時修其玉牒  
書宗室子女適庶名封生卒婚嫁謚葬凡宗室陳請為  
之上達及定其才能罪過以聞左右宗正宗人為之貳  
經歷典出納文移

## 宗正卿二

增冊府元龜曰漢劉辟疆楚元王之孫休侯富之子清

淨少欲常以書自娛不肯仕昭帝即位霍光擇宗室子  
可用者辟疆子德待詔丞相府年二十餘欲用之或言  
父見在亦先帝之所寵也遂拜光祿大夫守長樂衛尉  
時年已八十徙為宗正 天中記曰劉般字伯興建初  
初遷宗正在位數言政事其收恤九族行義尤著時人  
稱之 冊府元龜曰劉虞為尚書令光祿勳以公族有  
禮更為宗正 又曰劉孟桓帝時為宗正直道不容自  
免歸家 又曰晉扶風王亮為衛將軍武帝詔曰宗室

戚屬國之枝葉欲令奉率德義為天下式然處富貴而  
能慎行者寡名穆公糾合兄弟而賦棠棣之詩此姬氏  
所以本支百世也亮為宗師所當施行皆咨之於師時  
宗室殷盛無相統攝乃以亮為宗師使訓道規察有不  
遵禮法小者正以義方大者隨事聞奏 又曰陳南康  
愍王曇朗子方慶少清警涉獵書傳及長有幹略天嘉  
中權兼宗正卿 又曰封琳為司宗下大夫有長者之  
稱 山堂肆考曰後魏世祖謂崔浩曰天下諸杜何處

為最欲取一人以為宗正浩曰中書博士杜銓今為諸  
杜之最即命名之及見器貌瓌雅世祖謂浩曰此真吾  
所欲也拜為宗正 冊府元龜曰唐高祖武德元年詔  
安康郡公襲譽我之同姓派別支分惟厥祖考世敦恭  
睦特聽合譜宗正恩禮之義同諸服屬 又曰高宗永  
徽二年召宗正卿李博文問曰比問諸親何以得有除  
屬者對曰以屬疎降盡故除總三百餘人帝曰朕追遠  
之感實切於懷諸親服屬雖疎理不可降並宜依舊編



入屬籍 又曰唐宗室司訓棄官中宗即位以耆舊擢  
為宗正卿 又曰睿宗景雲二年以秘書監薛王隆業  
為宗正卿 又曰玄宗二十年七月七日詔宗正寺官  
員以宗子為之 又曰濮陽郡王徽為宗正卿頗承恩  
奏請宗正奉陵廟 天中記曰宗室李璆天寶初拜宗  
正卿性友悌聰敏宗子有一善無不薦延 冊府元龜  
曰代宗永泰二年宗正卿吳王祗奏上皇室永嘉新譜  
二十卷太常博士柳房撰也房精於譜學按宗正譜牒

自武德以來宗支昭穆相承撰皇室譜二十卷 又曰

穆宗長慶元年宗正寺奏準貞元二十一年勅宗子陪

位放五百七十人出身今年勅放三百人伏緣人數至

多不霑恩澤白身之輩將老村閭乞降特恩更放二百

人出身許之 又曰林贊有氏族學開成中勅贊同修

七聖玉牒從宗正寺之請也 又曰梁開平五年宗正

卿朱遜圖譜官朱損之進所撰天潢源派二軸各賜帛

又曰晉石光贊少為儒飽於游宦晉高祖即位自滑

州節度判官擢為宗正卿少時常有占者云子晚歲當  
因姓氏為美官果如其言 又曰李郁字文緯唐之宗  
屬也少歷宗寺官天成長興中累遷為宗正卿性平允  
所歷無愛憎毀譽 又曰虞潭為宗正卿以疾告歸會  
王含沈充等攻逼京都潭遂於本縣招合宗人及都中  
大姓共起義軍衆以萬數自假明威將軍進赴國難  
山堂肆考曰宋趙安仁兼宗正卿真宗以安仁舊德大  
僚特令知寺事自是多所規制重修玉牒屬籍 合璧

事類曰宋元豐七年以宗景知大宗正事先是宗景父允弼司宗久故神宗復選而用之使諭其母先正久司宗正德及皇族今命而子繼之又曰趙仲忽入判大宗正事徽宗賜之甲第及建賢懋功之閣以示寵仲忽鯁亮端毅動循禮法立宗司法式又曰淳熙初宗正官缺趙溫叔言崇不息之賢自江西轉運判官名為右監門衛大將軍忠州防禦使知大宗正事不息在宗司數言天下事上甚重之元史列傳曰元多爾濟巴勒遷

大宗正聽訟之際引諭律令曲當事情有同僚年老者  
歎曰吾居是官四十年見公論事殆神人也 續文獻  
通考曰明永樂初太宗建都北京宗人府為行在命駙  
馬都尉永春侯王寧署府事 又曰洪熙宣德間皇親  
武定侯郭玪專署事

### 宗正卿三

原司宗

掌親

上見楊雄箴  
下詳卿一

仁孝

忠直

東觀漢記  
曰劉平字

公予以仁孝著聞永平三年為宗正數薦達名士承宮  
卿恣等 漢書曰劉向字子政元帝時蕭望之周堪薦

向宗室忠直明  
經有行為宗正

增清秩

冷卿

曲阜集行王柄制宗  
正地嚴秩清儒者之

職也 鄭氏譚綺宗正曰秩宗又杜甫別  
李又詩丈人領宗卿蘇軾詩宗正為冷卿

九族 四

星

見揚雄歲時廣記  
職林曰石氏星  
經宗正四星在帝座東南

考實

糾正

續會要  
曰政和

二年知西外宗正事士曠奏廢兩京睦宗院宗子有文  
藝行實衆所共知者許宗正考實以聞 慶元制爰俾

訓齊往  
分糾正

畏盛滿

竭忠節

漢書曰劉德字路叔修黃  
老術有智略少時數言時

事召見甘泉宮武帝謂之千里駒昭帝初為宗正丞後  
為宗正卿妻死大將軍欲以女妻之德不敢娶畏盛滿  
也 東觀漢記曰劉般字伯興代名忠孝在朝竭忠盡  
節建初元年拜為宗正憂勤國事夙夜不怠數納嘉謀

屬籍堂

積慶圖

宋會要大中祥符八年九月賜宗  
正寺殿曰玉牒殿臺曰屬籍堂

宋四朝志曰修纂牒譜圖籍其別有五曰玉牒曰  
屬籍曰宗藩慶系錄曰仙源類譜曰仙源積慶圖

原

子政之忠

路叔之慎

劉向字子政以至忠為宗室也下詳竭忠節注

恭

惟天族

掌以月卿帖

白

增忠懿清和

孝友恭恪

堂

肆考曰後魏職令宗正卿請用忠懿清和職參教典先  
取皇宗無則用百姓晉書王覽字元通孝友恭恪名

亞於祥咸寧元年大中大夫詔曰覽少篤至行  
服仁履義貞素之操掌而彌固其以覽為宗正

各擇

一人

不隸六曹

山堂肆考曰宋仁宗景祐三年時宗室子孫衆多聚居大第故於祖宗後

各擇一人令敦睦之違失則糾正焉又曰元豐官制  
行詔大宗正司不隸六曹以宗室團練使以上有德望

者為之

以睦周親

實司屬籍

唐陳子昂為李卿官表曰載司宗伯以睦周親

續通典曰宗正

九宗之委

六親之屬

唐孫逖制以副九宗

設官實司屬籍

之委

唐百官志曰宗正卿掌九族六親之屬籍以別昭穆之叙

動循禮法

曲當

事情

並詳卿二

原當敦睦之代

居糾繩之司

崇象河

之秩

糾磐石之宗

並白帖

增瓊編瑤牒儼帝子之冠

簪袞衣繡裳本公家之衣鉢

翰苑新書

宗正卿四

少卿

增同姓

詩曰豈無他人不如同姓後魏注曰宗正卿多取同宗

宗臣

宗枝

宗子

詩曰宗維城

庶子

禮曰庶子之正於公族者教之以孝悌睦友子愛明父子之義長幼之序古者



庶子之官治而邦國有倫  
邦國有倫而衆向方矣

### 原宗正屬官

漢書百官公卿表曰宗正

秦官掌親屬元始四年屬官有都司空令丞內官長丞  
又諸公主家令門尉皆屬焉初內官屬少府中屬主爵

後屬宗正

### 宗正世掌

後漢書曰劉軫字君文梁孝王  
之兄為宗正卒官遂世掌焉

迭

為宗正

楚元王子郢客孫辟疆  
曾孫德等迭為宗正

### 始置宗正

魏志曰建安二十

年始置宗正之官

### 增擇親賢

唐大詔令曰宗族設位邦族  
是司必擇親賢以光名器

受寄本枝

又曰宜受寄於本  
枝更遷榮於列棘

### 委宗正

唐元稹李杲授  
宗正制曰明皇

而下其屬未逮諸王在閣朕得其寒溫審宗而上五十  
餘族長幼秩序盡委之於大宗正苟非能賢不敢輕授

### 第其賢能

元稹行李從易制曰昔劉氏子孫在屬籍  
者十餘萬唐有天下二百年伯仲叔季幼

子童孫可勝道哉第其賢能以

次序昭穆皆吾宗寺之職也

以才行聞

元稹行李途制曰憲

宗法堯睦族深維本支乃詔執事曰伯父叔季幼子童孫在屬籍者必命卿長以才行聞

整訓屬

族唐杜牧行李文舉制曰取自遠藩擢為宗正大則提舉羣吏灑埽守奉次則整訓屬族次第昭穆

詳定規式

山堂肆考曰宋治平元年判大宗事趙允弼詳定皇親讀書賞罰規式詔依所定次第施

行

二外宗正

合璧事類曰宋崇寧元年蔡京申請宗室既許分居兩京輔郡乞於兩京置外

宗正司中興南渡後南外置司泉州西外置司福州

置敦宗院

又曰崇寧元年蔡京請宗室非

袒免親以下兩世欲分於西京南京近輔或沿流便郡居止每處置敦宗院差文武臣各一員管幹南渡後光

宗即位改為睦宗院

年一商議

中興會要曰紹興二十六年知西外宗正事士衡言西南兩外

宗司相去不遠鈴束訓導事體一同有未便者理有商議望許兩司宗官每年一次往來商議職事從之

少卿通古學

唐史曰李漢為少卿通古學屬辭雄蔚

典兵衛

淮南王神道碑

叙文昭列

晏殊類要常集隆少卿制曰制以九族乃立貳卿宜叙文昭之列用魁輔德之任

## 宗正卿五

增詔宋英宗選宗惠同知大宗事詔曰夫明德以親九族正家而刑萬邦古先哲王罔不由此朕嗣守丕業率循舊章惟皇屬之敦和命宗臣而董正念其性本於仁厚宜廣學以勤修顧其日益於衆多必增員而統理庶

乎協贊其職並修厥官式孚於休以副予意

增制唐李嶠行高平郡王重規司屬卿制曰百工惟時  
必在推擇九族既睦仍資敦叙高平郡王重規宗室儀  
表衣冠領袖有姬旦之藝兼劉蒼之善出居連帥功名  
著於兩河入奉鉤陳誠款申於八校本枝望重河海職  
隆宜輟掌於魚鈐俾專司於鱗族 孫逖行褒信郡王  
璆宗正卿制曰雅志惟恭虛懷敏達近屬蕃翰中朝羽  
儀無競維人不矜於貴分克勤於位忠每効於公敦叙

是司疇咨所屬宜居六尚之職以副九委之勤

原歲漢揚雄宗正卿箴曰巍巍帝堯欽親九族經哲宗  
伯禮有攸訓屬有攸籍各有胄子代以不錯昔在夏時  
太康不恭有仍二女五子家降晉獻悖統宋宣亂序齊  
桓不肖而忘其宗緒周譏戎女魯喜子同

增書魏彭城王勰獻文之子孝文為家人書於勰曰教  
風密微禮政嚴嚴若不深心日勸何以敬諸每欲立宗  
師肅我元族汝親則宸極位乃中監風標才器實足師

範屢有口勅仍執冲遜難違清挹荏苒至今宗制之重  
舍汝誰寄便委以宗儀責成汝躬有不遵教典隨事以  
聞吾肅治之若宗室有僭隱而不舉鍾罰汝躬綱維相  
厲庶有觀政吾朝聞夕逝不為恨也

增奏元趙天麟上言曰國家既立宗正府又立國子監  
蓋欲申邦憲以公滅私崇德化以文飾質然其宗室罕  
篤於學或月誦而年閑或春集而秋散以馳馬試劍為  
至樂以援弓射鴻為常事迹其生於深宮之中長於婦

人之手太倉精粒為之食御局綾錦為之衣頤指氣使而左右趨風叱咤撓辭而鬼神驚懼視公侯之爵輕若纖塵俯望重之賢皆出已下處貴而不自知其貴宣驕而不自知其驕中人以下鮮有弗移其性者伏望陛下導宗室以學問激宗室以榮名嚴宗室之師重宗室之友庶使貴人之志各懷希聖之明心毋令博士之流謾作在公之虛號

宗正卿官屬

丞

主簿

崇元署

諸陵署

原杜氏通典曰宗正丞漢亦用皇族後漢一人

後漢劉茂字子

衛為宗正丞

歷代皆有之至隋有二人唐因之

增文獻通

考曰宋元豐五年正名初除趙君錫明年以楊畏為宗正寺丞詔宗正寺除長貳外自今後更不專差國姓建炎三年罷紹興五年復置續文獻通考曰金亦有之

明有經歷一人

原杜氏通典曰主簿梁置陳北齊隋

皆有唐因之置一人

增文獻通考曰宋天禧時以衛

尉丞兼元豐正名初除楊完建炎三年罷紹興十年復



置原杜氏通典曰崇元署令一人初後魏天興二年置仙人博士掌煮鍊百藥北齊置昭元等寺掌諸佛教有大統一人都維那三人兼置功曹主簿等員以管諸州縣沙門之法後周置司寂上士中士掌法門之政又置司元中士下士掌道門之政隋初置崇元署令丞至煬帝改郡縣佛寺為道場置道場監一人改觀為元壇監一人唐復置崇元署初又每寺觀各置監一人屬鴻臚貞觀中省開元中以崇元署隸宗正寺掌觀及道士

女冠簿籍齋醮之事

增文獻通考曰宋自真宗興崇

道教置玉清昭應宮景靈宮會靈觀使以宰相為之副  
使判官都監及集禧觀醴泉觀東西太乙宮提舉則以  
兩省兩制丞郎及防禦諸司使副為之掌奉齋醮之事  
又有譯經潤文使亦以宰相為之熙寧以後增制祠祿  
之官以逸老優賢而時相欲以宮觀之祿處不奉行新  
法之人遂無限員亦無職事而釋老之事則如歷代領  
之祠部郎官又屬鴻臚寺至徽宗時以道教改隸祕書

省置道階自六字先生至額外鑒義品秩比視中大夫  
至將仕郎凡二十六等又置道學升貢及三歲大比法  
同科舉應天下神霄玉清萬壽宮天慶觀知及副知將  
來有聞並以學校登科人充其餘宮觀亦依此令禮部  
置名籍差注如吏部法以蔡攸通行提舉道錄院中興

後道釋教門事仍歸祠部

按崇元署一官唐創之以司道教而必屬之宗正司者蓋

唐以老氏為始祖則崇其教者亦以為尊祖宗之事也杜氏通典所載凡唐所創之官而前代所無者則必叙其所掌之事以通之於前代如崇元一官前代無之然與崇二教而為之建立官司則非始於唐也故必叙後

魏所置仙人博士北齊所置昭元寺之類以先之宋雖無其官然亦常興崇道教為之置立官司故以真微兩廟所置王清景靈宮使副及都提舉道錄院等事附見焉

續文獻通考曰金北太

乙宮管勾一員掌守官繕修之事元世祖至元十七年立都功德使司掌奏帝師所統僧人二十一年立衍福司二十六年立崇福司仁宗延祐二年改為院七年復為司置司使二人同知二人副使一人司丞二人經歷知事照磨各一人宣政院古無之元立掌釋教僧徒及吐蕃之境而隸治之行宣政院順帝元統二年革罷廢

教總管府十六處置行宣政院大禧宗禪院古無元置  
掌神御殿歲時朔望諱忌日辰禋饗禮典明初不設崇  
元宣政等院但置僧錄司道祿司官洪武四年改僧錄  
為司僧凡三等曰禪曰講曰教設左右善世左右闡教  
左右講經左右覺義各一人司置於天界寺道凡二等  
曰全真曰正一設左右正一左右演法左右至靈左右  
言義司置於朝天宮又天下府置僧綱司都綱道紀司  
都紀州置僧正司僧正道正司道正縣置僧會司僧會

道會司道會並朝除不給俸 原杜氏通典曰諸陵署

漢有諸陵園寢官屬太常

長陵令秩二千石為高祖陵也故尊其秩

元帝永

光元年分諸陵邑屬三輔

史記曰司馬相如為孝文園令

後漢每陵園

令各一人掌按行埽除丞及校長各一人

校長主戒盜賊

晉宋

皆曰令而梁初為監後亦改為令梁以下皆有之唐每

陵令丞各一人初屬太常開元二十五年並屬宗正寺

增文獻通考曰宋以宗正寺知丞事掌奉宗廟諸陵

薦享之事

續文獻通考曰金諸陵署有令丞直長屬

太常寺

又有園陵署令宛平縣丞燕貞祐以園陵遷大興縣境以大興縣令丞燕

事文類

聚曰元置諸陵署隸太常有令丞直長等官又置提點

山陵使及副使續文獻通考曰明有諸陵祠祭署屬

太常原杜氏通典曰太廟令漢有諸廟寢園令長丞

宋志曰漢西京曰長東京曰令晉有太廟令宋太廟令領齋郎二十四

人齊梁以下皆有

後魏有太常齋郎漢書曰田千秋為高廟寢郎

舊屬太常唐

開元二十五年二月勅宗廟所奉尊敬之極因以名署

情所未安宜令禮官詳擇所宜奏聞至五月太常少卿

欽定四庫全書

御定四庫全書  
卷九十一

韋縉奏曰謹詳經典兼尋令式宗廟享薦皆主奉常別  
置署司事非稽古其太廟署請廢省本司專奉其事許  
之二十五年勅宗正設官署司屬籍而陵寢崇敬宗廟  
惟嚴割隸太常殊乖本系奉先之旨深所未安自今已  
後諸廟署並隸宗正 增文獻通考曰宋以宗正寺知  
丞事掌奉宗廟諸陵薦享之事室長齋郎無常數廟直  
官一人太廟后廟宮闈令三人以入內內侍充元豐之  
後太廟令屬宗正寺 續文獻通考曰金皇統八年太



廟成設署置令丞元屬太常掌宗廟行禮兼廩犧署事  
至元三年始置令二員丞一員

### 宗正丞一

增瑤籍

玉牒

慶元制晉丞瑤籍 九朝通略曰王鞏  
字定國為宗正丞乞別立法修玉牒三

進年一

### 宗正丞二

增參領

四朝志曰宗正卿掌宗祧紀屬籍以別  
昭穆而定親疎少卿為之貳丞參領之

上治

道

仁宗實錄曰趙師民字周翰遷宗正丞屬陝西用  
兵上治道十五事改天章閣待制同知宗正寺事

不能屈

言行錄曰田畫字承君人物雄偉議論慷慨俱有前輩之風入為大宗正丞宰相曾布欲收置

門下不

無所詘

中興繫年錄曰曾怙為大宗正丞秦檜專政士求媚以取要官怙自守無

能屈

所條上五事

又曰知大宗正丞謝伋條上宗室五事曰舉賢才以強本支更法制以除煩苛

擇官師以專訓導繼封爵以謹傳襲修圖牒以辨親疎詔內外從官各舉宗室一人

議襲封食

又曰謝伋始立法嚴學官久闕襲封之典遂廢宗正有寺無官故伋言之時用伋議惟襲封食

修纂

屬籍

仁宗實錄曰紹興五年詔復置宗正寺丞一員仍除俸以俸收得宗枝事跡諸曉編類修纂屬籍次


第編纂圖書

宋會要曰元祐元年宗正寺言既許主簿通管寺事合依太常寺國子監例正

通管雜務其編纂圖書乞依舊例丞專修從之

贊治公姓

曲阜集制贊治公姓人無間言



御定淵鑑類函卷九十一